



58

15644

15. 6. 44.











31960.  
Graben  
Jan.



V E S T I G I A  
VITAE NOMADICAE,  
TAM IN MORIBUS QUAM LEGIBUS  
R O M A N O R U M  
CONSPICUA.

17

18

19

20

21

22

V E S T I G I A

VITAE NOMADICAE,

TAM IN MORIBUS QUAM LEGIBUS

R O M A N O R U M

C O N S P I C U A ,

C U R A

G. D O R N S E I F F E N ,

PHIL. THEOR. MAG., LIT. HUM. ET IUR.


UTR. DOCT.



*TRAIECTI AD RHENUM,*

EX OFFIC. IOH. ALTHEER.

M D C C C X I X.



## L. S.

*Quum saeculo decimo quarto Viri Docti ad indagandum ac perscrutandum, quidquid res et nomen Romanum spectabat, summa cura atque industria se accinxissent, permulta a sordibus, quibus multorum saeculorum barbaries ea inquinaverat, purgarunt, in lucem protraxerunt, atque ita ad summum splendorem pro eo tempore ut literas Romanae redirent, omnem navarunt operam; attamen haud pauca intacta relinquere coacti fuerunt, quae posteriori demum tempore e tenebris emer-*

gerent; non vero ante, quam multi varias nomadicas gentes adierant, harumque mores ac instituta inter se et cum priscorum populorum moribus ac legibus comparaverant, ad nostri argumenti certitudinem perveniri potuit, Romanos prius, quam ad civilem societatem transissent, nomadicam vitae rationem fuisse secutos, quapropter non inutile putavi omnia investigare et ea congerere, quae priscae nomadicae vitae tam in moribus quam in legibus Romanorum remanserunt et, quibus temporibus singula aut sensim mutata, aut aliis civilibus legibus abrogata fuerunt, commonstrare. Hinc autem multum lucis et Romanae historiae et iurisprudentiae accendi, quis non videt? Quum enim Romanae reipublicae annales evolvimus, plerosque Romanorum aut suae ipsorum originis imperitos, aut inani superbia hanc ignorari prae se ferentes, ea regum et posteriorum legislatorum curae ac studio tribuisse videmus, quae non nisi priscae nomadicae vitae originem debent, quamobrem mirum videri haud potest, permultos huc usque in antiquis moribus ac legibus Romanorum interpretandis, iureconsultos aliosque, de Romanarum literarum studio ceteroqui bene meritos viros, aliam rationem secuti.

cutos, in multos incidisse errores, quos quidem evitare haud poterant, plurima vero explicari non potuisse, quae, huius nomadicae vitae ratione habita, iam cuique satis sunt aperta, et multis aliis rebus lucem afferunt. Uti autem nulla gens, ubicunque invenitur, tam plane nomadice degit, quin et barbarae, quam antea secuta est, vitae vestigia simul adsint, sic quoque in Romanorum moribus ac legibus multa, ad vitam barbaram spectantia, retenta esse constat, quae omnia separare, et quid ad barbaram quid contra ad nomadicam vitam pertinuerit, sigillatim tradere difficillimum fuit, cum mores, leges, ~~sacra~~ ~~tredecim~~ fere saeculorum ab origine repetenda, et cum antiquarum et recentiorum gentium nomadicarum institutis essent comparanda, quapropter in tanta rerum copia nonnulla, a barbaris moribus ac institutis potius derivanda, huc quoque collecta esse, evitari vix potuit.

Ceterum si qua, in argumento tam late patenti, reperiantur omissa, quae ad nomadicam Romanorum vitam referri queant, in memoriam redeas velim Columellae sententiae (1):

In

(1) De Re R. L. 5. c. 1. §. 2.

( x )

In magna sylva boni venatoris est indaganter  
feras, quam plurimas capere, nec cuiquam cul-  
pae fuit non omnes cepisse: Id nobis satis  
abundeque est, tam diffusae materiae, quam  
suscepimus, maximam partem tradidisse. *Vale.*

*Idibus Iuliis*

1819.



SUM-



# S U M M A R E R U M.

## INTRODUCTIO.

### CAPUT PRIMUM.

#### *De vita nomadica,*

- §. 1. De vita Barbarorum.
- §. 2. ——— venatoria.
- §. 3. ——— pastoralis.
- §. 4. ——— agricolarum.

### CAPUT SECUNDUM.

#### *De priscis Italiae gentibus nomadibus,*

- §. 1. De vetustissimo Italiae statu.
- §. 2. De Aboriginibus et Albana gente.
- §. 3. De vitae ratione Aboriginum.
- §. 4. De Romanorum maioribus, pastorem vitam agentibus.
- §. 5. De terrae opportunitate ad vitam erraticam.
- §. 6. De Romulo ac Remo, pastoribus ac latronibus.
- §. 7. De historiae exemplis, priscam nomadicam Romanorum vitam testantibus.
- §. 8. De Romuli agendi ratione, vitae nomadicae congrua.

## C A P U T T E R T I U M.

*De Romuli sociis et Româ.*

- §. 1. De Romuli colonis.
- §. 2. De diverso colonorum genere.
- §. 3. De Romuli potestate in colonos in privatis rebus.
- §. 4. De Romuli potestate in colonos in publicis rebus.
- §. 5. De prisca Roma, Nomadum urbe.

## P A R S P R I O R.

*Vestigia vitæ nomadicae in rebus PUBLICIS  
Romanorum.*

## C A P U T P R I M U M.

*De statu publico sive regiminis forma apud priscos  
Romanos.*

- §. 1. De Romulo, eiusque nomadico imperio.
- §. 2. De Senatu, e vita nomadica oriundo.
- §. 3. De populo comitiisque, e vita nomadica repetendis,

## C A P U T S E C U N D U M.

*De sacris publicis.*

- §. 1. De sacrorum origine apud gentes.
- §. 2. De origine decorum privatorum et publicorum.
- §. 3. De Romulo, sacrorum praefide, et Numa Pompilio.

§. 4.

- §. 4. De Feriis Latinis.
- §. 5. De Lupercalibus.
- §. 6. De Paliliis.
- §. 7. De Saturnalibus.
- §. 8. De Saliis.
- §. 9. De nonnullis sacrorum ritibus, e vita nomadica oriundis.
- §. 10. De apparatu sacrorum nomadico.
- §. 11. De lucis, auspiciis et auguriis.
- §. 12. De superstitione nomadica apud Romanos.

## C A P U T T E R T I U M.

*De sacrificiis humanis.*

- §. 1. De Romanis, homines sacrificantibus.
- §. 2. De Saturni et Dis sacrificiis et puerorum immolatione.
- §. 3. De Sacrificiis religiosis *sive* ex Sibyllinis libris.
- §. 4. ——— ex vindicta, *sive* de captivis immolandis.
- §. 5. ——— magicis *sive* ex superstitione.
- §. 6. ——— ex voluptate, *sive* de gladiatoribus.
- §. 7. De origine nomadica sacrificiorum humanorum.

## C A P U T Q U A R T U M.

*De priscis poenis nomadicis.*

- §. 1. De talione et vindicta sanguinis.
- §. 2. De mulctis, e nomadica vita oriundis.

## P A R S

## PARS POSTERIOR.

*Vestigia vitae nomadicae in rebus PRIVATIS  
Romanorum.*

## CAPUT PRIMUM.

*De iure civili.*

- §. 1. Romanos primo nullum ius civile habuisse.
- §. 2. De Patronorum origine nomadica.
- §. 3. ————— potestate nomadica.
- §. 4. De effectu nomadicae potestatis Patronorum  
in iure civili constituendo.
- §. 5. De iure XII Tabb. et stipulationibus.

~~CAPUT SECUNDUM.~~*De iure domestico.*

- §. 1. De nomadica origine iuris domestici.
- §. 2. De iuris domestici effectibus.

## CAPUT TERTIUM.

*De patrum potestate in liberos.*

- §. 1. De origine patriae potestatis in liberos.
- §. 2. De finibus iuris patriae potestatis apud Romanos.
- §. 3. De liberorum venditione.
- §. 4. De variis effectibus patriae potestatis.
- §. 5. De origine patris consensus, in liberorum  
nuptiis necessariis.

§. 6.

- §. 6. De emancipationis Romanae effectibus, nomadicae vitae congruis.  
§. 7. De acquirenda patria potestate.

## C A P U T Q U A R T U M.

*De maritorum potestate in uxores.*

- §. 1. De humanitatis gentium gradu, ex uxorum conditione conspicuae.  
§. 2. De uxorum conditione apud nomadicas gentes.  
§. 3. De dura uxorum conditione apud Romanos.  
§. 4. De privata in uxores animadversio.  
§. 5. De locatione ac venditione uxorum.  
§. 6. De variis maritalis potestatis effectibus.  
§. 7. De viduarum luctu.  
§. 8. De perpetua feminarum tutela.

## C A P U T Q U I N T U M.

*De potestate dominorum in servos.*

- §. 1. De origine servorum apud nomades gentes.  
§. 2. De statu servorum apud Romanos.  
§. 3. De diminuta nomadica potestate in servos.

## C A P U T S E X T U M.

*De gentilitiis sacris et iure.*

- §. 1. De gentilitiorum sacrorum origine nomadica.  
§. 2. De Sacris gentilitiis apud Romanos.  
§. 3. De iure gentilitio.  
§. 4. De nominibus Romanis quibusdam, e vita pastoralis oriundis.

## C A P U T S E P T I M U M.

*De ritibus nuptiarum nomadicis.*

- §. 1. De ritibus nuptialibus, e vita pastoritia petitis.  
§. 2. ————— ab ovillo pecore.  
§. 3. ————— a bubulo pecore.

# V E S T I G I A

## VITAE NOMADICAE,

TAM IN MORIBUS QUAM LEGIBUS

R O M A N O R U M

C O N S P I C U A.



### *I N T R O D U C T I O.*

**I**ta omnium populorum res est comparata, ut totae gentes instar singulorum hominum quasi educantur. Humanum enim genus, per longum temporis spatium ad humanitatem progressum, sensim et per gradus excultum atque perpolitum, ferociaque, quae a natura erat, deposita, tandem mitioribus moribus est ornatum; ita ut, quum, antiquarum non solum, sed recentiorum etiam gentium origines investigantes, ad primam earum vitae rationem adscendamus, omnes aliquando barbaram vitam secutae, omnes olim nomades fuisse probentur (1). Huius vero nomadicae vitae vestigia apud quemcunque populum eo diutius remanent, atque indagatu eo difficiliora sunt, quo constan-

ti-

(1) Cf. *ISLIN*, *Gesch. der Menschh.* I. D. bl. 183.

tius naturalem libertatem, quae e vita priore illis adhaesit, in civilem societatem transeuntes retinuerint atque servaverint.

Quum autem Romanorum historiam consulimus, non facile ad credendum inducimur, alium populum inventum iri, apud quem post tam varios casus, in tam diversarum gentium in unam conglobatione, post tam graves reipublicae mutationes, tamdiu tot et tanta vitae prioris nomadicae superfuerint vestigia; haec vero, quin libertati, quam per tot saecula integram et incolumem conservarunt Romani, adscribenda sint, quis dubitet?

Quandoquidem vero plura nomadicae vitae genera inveniuntur, humani generis sensim progressam culturam breviter contemplari operae pretium videtur, ut sic, comparatione cum priscis Italiae populis instituta, quo humanae culturae gradu Romanus populus primis certe reipublicae temporibus fuerit, facilius iudicari liceat; deinde, quae nam nomadicae vitae vestigia quoque tempore in eorum moribus atque legibus remanserint, ordine indagemus.



## CAPUT PRIMUM.

### DE VITA NOMADICA.

#### §. I.

##### *De vita barbarâ.*

**P**rimi mortalium muneribus, quae inviolata ultro ferebat terra, in qua oberrabant, vitam tranquillam sustinentes, hoc vitae genere ipsis brutis animalibus parum absimiles, nulli neque arti, neque ingenii culturae intenti erant; nemini enim aut animus in iniuriam erat aut causa, cum in usus gentium non latrocinantium satis larga essent Naturae beneficia; verum auctae deinde hominum multitudini quum illaborata terra necessaria alimenta e gremio suo negabat, atque in omnium tutelam non amplius sufficebat, urgente hominum necessitate, alia atque antea alimenta, quibus vitam sustentarent, quaerere coacti sunt; nonnulli itaque pro regionis, in qua degebant, et animalium, quibus abundabat, diversitate et fluminum marisque propinquitate, pisces, alii feras primo quidem, quae facilius capi se patiebantur, tum ferociores captare studuerunt, atque ita, pacis foedere, quod antea cum ipsa natura colebant, rupto, sensim ad vitam *venatoriam* transierunt et *Ichthyophagi* vel *Carnivori* facti sunt.

## §. 2.

*De vita venatoria.*

In hac venatoria vita, in qua homo, iam maioris praedae capiendae in dies cupidior, pluribus artibus intentus est, pro capturae difficultate et periculo, cum pluribus venatoribus se coniungit ad mutuum sibi vitae auxilium ferendum, atque communia, quae ceperint, inter se dividenda, et sic sensim nonnullas confociationes iam colit, quibus destinationi suae propius accedens, societati civili sensim praeparatur; nondum vero in futurum prospiciens, animalia, capturae fructus, statim occidere et cum fociis consumere solet, donec tandem ex arboribus ac virgultis decerptos fructus in usum futurum colligat et servet, atque ex animalibus filvestribus, quae possit, deprehendens vivaque concludens, ad utilia vitae officia infervire ea posse, vel experientia vel casu edoctus domet, mansuefaciat pluraque colligat, eorum lacte nutriatur, eorum pellibus corpus ab aëris intemperie defendat, tegatur ac vestiatur, dum carne largam et iucundam sibi dapem parat (1).

## §. 3.

(1) F. A. CARUS, Ideen zu Geschichte der Menschh., S. 271. Varro de Re Rust. L. 2. c. 1.

## §. 3.

*De vita pastorali.*

Dominium, quod sic adquisivit homo, tamquam alimenti ac vestimenti causas grato quodammodo animo pluris aestimare iam incipit; pecora enim cuique barbarae genti prima divitiarum species sunt, dum temporis progressu ubique coeli et terrae ratio homini praescribit, utrum sedem fixam electurus, an continuo cum suo dominio oberraturus, agriculturam, an pastorem vitam praecipue sit secuturus. Quo magis deinde eius animalia augentur, familiam, ad greges pascendos necessariam, quoque augeri studet et, prata, pecorum alimento idonea, quaerere coactus, erraticam vitam agere incipit. Ut vero tuto animalia ubique pascantur, cum vicinis pastribus se coniungit et, quamquam nusquam stabilem figit sedem, tamen ubiubi est, aliquam societatem inire tentat, qua se cum aucta familia auctisque gregibus vel armentis ab aliorum iniuriis tutum praestet, aut facilius alios ipse invadat, hosque e terris, quae se pastione commendant, in suum ac sociorum usum pellat.

## §. 4.

*De vita agricolarum.*

Quemadmodum vero vita pastoralis semper quo-

dammodo cum venatoria est coniuncta, (1) sic quoque agricultura cum utraque haud difficile se sociat (2), licet transitus e vita erratica ad rusticam lentius procedat, quam e venatoria ad pastoritiam: ubi enim fertilia inveniuntur pascua, non facile ad agros colendos inducitur gens nomas, quia tum satis ubique, ipsa operante Natura, suis et animalium necessitatibus prospectum est. Non aliter enim tunc evenit quam nunc in Tartaria Maiori, ubi errabundae stirpes fertilitate agrorum, quos peragrant, necessario alimento abundantes, in otio senescunt, atque adeo ab omni agricultione abhorrent, quandoquidem huic deditae sedem mutare haud possent, quo mirum in modum delectantur eosque miseros arbitrantur, qui, in urbes coacti, libere vagari prohibentur (3). Accedit, quod ad agros colendos maior cum animi tum corporis virium intensio requiratur, quam ad erraticam vitam, unde agricultura maiorem quoque ordinem in hominum vitam inferat necesse est, et proximus ad civilem societatem transitus recte habetur.

(1) MOSES, L. I. c. 33 et 36.

(2) IUL. CAES., de bell. Gall. L. 6. c. 22.

(3) F. A. CARUS, *Ideën zur Gesch. der Menschh.* S. 271.

## CAPUT SECUNDUM.

### DE PRISCIS ITALIAE GENTIBUS NOMADIBUS.

#### §. I.

#### *De vetustissimo Italiae statu.*

Romanis hoc cum reliquis antiquis terrae gentibus commune est, ut densissimae tenebrae eorum origini offundantur eamque obtegant. Roma enim iam eo tempore vel condita vel occupata est (1), quo quidem, quod ad vetustum Italiae statum populorumque, qui eam inhabitaverunt, vitae rationem attinet, perparva nobis scientia est; etenim si, quae Graeci de vetustissima Italia memoriae prodiderunt, pervolvimus, nobis fane, ante olympiadam renovationem, quae tres et viginti annos ante U. C. accidit, exigua lux in illis tenebris aderit, nec nisi diu post historia demum ad eam certitudinem pervenit, ut ex iis, quae annotassent scriptores, certi aliquid statuere liceret, quamvis hoc vere quidem Cicero de priscis incolis dixerit: (2) *Quis vestrum, iudices, ignorat, ita naturam tulisse, ut quodam tempore homines, nondum neque NATURALI neque CIVILI IURE* de-

(1) Cf. PARIZON. Dissert. de Hist. Rom. et Romae Urb. Orig.

(2) Pro Sext. c. 42.

descripto, fusi PER AGROS ac dispersi vagarentur, tantumque haberent, quantum manu ac viribus per caedem ac vulnera eripere aut retinere possissent.

## §. 2.

### *De Aboriginibus et Albana gente.*

Veteres, historiae luce carentes, quamque gentem, quam ab alia derivare non potuerunt, ab ipso habitationis loco, quasi ab eodem solo, instar arborum, e terra natam pullulatamque, ἀντόχθονα, indigenam, vocarunt, quod illius originem et ultimam aetatem aliqua vel memoria repetere, vel humana ratione demonstrare non poterant (1). Nos vero, duobus gravissimis auctoribus, Livio et Dionysio Halicarnasaeo, diu ante Romam conditam plurimas quidem in Italia exstitisse gentes, quarum praecipua *Aborigines* feruntur, certo ad credendum inducimur. Hos autem sive a priscis Germanis Celtisque, (2) sive a Troianis, a Pelasgis seu ab aliis gentibus ortos existimamus (3), Albam Longam constituisse, Albanamque deinde gentem prae ceteris in Italia inclaruisset, posteaque aucta ho-

(1) DION. HAL. L. I. c. 10. Ed. Angl.

(2) FUNC. de Orig. Ling. lat. L. I. c. 6. Id. de matre L. Lat. Germ. c. 5.

(3) DION. HAL. L. I. c. 10. seqq. LIV. Hist. Rom. L. I.

hominum multitudine in diversas huius regionis partes colonias deduxisse, satis constare videtur. Hinc Romani se *Albanorum coloniam* iactitarunt (1) bellumque, quod postea inter Albanos et Romanos gestum est, *civili simillimum bello prope inter parentes natosque* fuisse dixit Livius (2).

## §. 3.

*De vitae ratione Aboriginum.*

Qualis autem Albana gens eiusque in Latio coloniae fuerint, quamque vitae rationem egerint, ipsi Romani scriptores ubique testantur.

Aborigines enim, genus hominum agreste, sine legibus, sine imperio, liberum atque solutum fuisse (3):

Gensque virum, truncis et duro robore nata,  
Quis neque mos neque cultus erat; nec iungere tauros,  
Aut componere opes norant aut parcere parto;  
Sed rami (4) atque asper victu venatus alebat.

Pri-

(1) DION. HAL. L. 1. c. 66. 71. 88. et LIVIUS Hist. Rom. L. 1. c. 6.

(2) Lfb. 1. c. 23.

(3) SALL. bell. Cat. c. 6.

(4) Glandibus nimirum vescebantur Romani. Postea hoc nomadicae vitae vocabulo Romani quosvis fructus significarunt: Legibus enim XII. Tabul. cautum fuit, ut *glandem*, id est, omnem fructum, in alienum fundum praecedentem, colligere liceret. PLIN. H. N. L. 16. c. 5 et 6., CAIUS L. 236. ff. §. 1. de Verb. Sign.

Primus ab aetherio venit Saturnus Olympo,  
 Arma Iovis fugiens, et regnis exsul ademtis;  
 Is genus indocile ac dispersum montibus altis  
 Composuit, legesque dedit. —

\* Hoc modo Aboriginum mores descripsit Virgilius (1), nec alio Ovidius de vetustissimis Latii incolis cecinit: (2)

Vita ferae similis, nullos agitata per usus:  
 Artis adhuc experti et rude vulgus erant.  
 Pro domibus frondes norant, pro frugibus herbas;  
 Nectar erat palmis hausta duabus aqua.  
 Nullus anhelabat sub adunco vomere taurus;  
 Nulla sub imperio terra colentis erat:  
 Nullus adhuc erat usus equi. Se quisque ferebat,  
 Ibat ovis lana corpus amicta sua.  
 Sub Iove durabant et corpora nuda gerebant,  
 Docta graves imbres et tolerare Notos.

Nec minus egregie Tibullus (3) de Romanorum Maioribus, ad vitam pastoritiam iam progressis, atque adeo iam magis excultis:

Sed tunc pascebant herbosa palatia vaccae,  
 Et stabant humiles in Iovis arce caesae.  
 Lacte madens illic suberat Pan ilicis umbræ  
 Et facta agresti lignea falce Pales,

Pen-

(1) L. 8. AEN. v. 215. Cf. L. 9. AEN. v. 693.

(2) FAST. L. 2. v. 291.

(3) L. 2. EL. 5. v. 25. Cf. et 55.



Pendebatque *vagi pastoris* in arbore votum

Garrula silvestri fistula sacra deo.

Et quam veris coloribus eandem tabulam pinxit  
Iuvenalis: (1)

— — — Cum frigida parvas

Praeberet spelunca domos ignemque laremque

Et pecus et dominos communi clauderet umbra,

Silvestrem montana torum cum sterneret uxor

Frondebis et culmo vicinarumque ferarum

Pellibus.

#### §. 4.

*De Romanorum maioribus, pastorem vitam  
agentibus.*

Quum autem, his de Aboriginibus praedictis, in Italiae incolas, quales non diu ante Romam conditam fuerint, oculos vertimus, non quidem dictu difficile est, ad quem humanae culturae gradum iam adscenderint: Etenim, si ipsa Italia a tauro- rum multitudine ac pulchritudine, uti Varro ait, nomen habere existimata sit, quos Graecia antiqua *Ἰταλούς* dixit, (2) eos pastores fuisse, quorum vi-  
tam

(1) Sat: 6. Cf. et LUCRET. Car. L. 5. v. 956 seqq. PROP. L. 3. El. 11. v. 35.

(2) Varro de Re Rust. L. 2. c. 5. Colum. de Re Rust. L. 6. praef. Cf. FESTUS in voce *Italia*.

tam secundum culturae ingenii humani gradum vocarunt, (1) cuique patet, quamvis venatori-  
 am vitam non omnino deposuisse videantur. Mi-  
 rum ergo cuiquam videri haud potest, Varronem  
 suos populares rogasse: (2) *Romanorum populum  
 a pastoribus esse ortum quis non dicit? Quis Fau-  
 stulum nescit pastorem fuisse nutricium, qui Ro-  
 mulum et Remum educavit? Non ipsos quoque fuis-  
 se pastores obtinebit, quod Palilibus potissimum  
 condidere Urbem? Non idem, quod multa etiam  
 nunc ex vetere instituto bubus et ovibus dicitur?  
 Et quod aes antiquissimum, quod est flatum, pe-  
 core est notatum? Et quod Urbs cum condita est,  
 tauro et vacca, qui essent muri et portae, defini-  
 tum? Et quod, populus Romanus cum lustratur,  
 suovetaurilibus circumaguntur verres, aries, tau-  
 rus? et quod nomina multa habemus ab utroque  
 pecore, a maiore et a minore: a minore, Porcius,  
 Ovinus, Caprilus; sic a maiore: Equitius, Tau-  
 rus.*

§. 5.

(1) Varro de Re Rust. L. 2. c. 1.: *De antiquis il-  
 lustrissimus quisque, inquit, pastor erat, ut ostendit  
 Graeca et Latina lingua, et veteres poëtae, qui alios  
 vocant πολύεργους, alios πολυμήλους, alios πολυβούτους; ad-  
 dit autem, qui ipsas pecudes, propter caritatem, aureas  
 habuisse pelles tradiderunt.*

(2) De Re Rust. l. 1,

## §. 5.

*De terrae opportunitate ad vitam erraticam.*

Si porro in ipsius terrae fertilitatem animum advertimus, totam quidem Italiam, in primis vero Albanum agrum et glandium feracem et pecori pascendo opportunam fuisse patet: (1) Praeter eam enim terram, quae colitur et modico labore uberri-  
 mos atque optimos fructus reddit, teste Dionysio Halicarnaseo (2) „ multum terrae invenias patere ovi-  
 „ um, multum caprarum gregibus; ampliorem etiam  
 „ et praestantiorē terram armentis equorum et bo-  
 „ um: Palustris enim et pratensis herba, copiosa illa,  
 „ cultaeque terrae irrigua et roscida, immensum quan-  
 „ tum, aestate compascua, omni tempore vegetam  
 „ praebet gregum et armentorum copiam.” Dixit au-  
 tem alibi de tractu circa Romam: (3) „ Albani lo-  
 „ cum moenibus et fossa complexi habitare coe-  
 „ pere, ubi ad id tempus bubulcorum, opilionum  
 „ ceterorumque pastorum stabula fuerant, *solo ab-*  
 „ *unde suppeditante copiam tum hiberni tum aesti-*  
 „ *vi pabuli propter fluvios, a quibus rigatur et re-*  
 „ *frigeratur.* Inde ergo ipsam regionem, in qua  
 „ gen-

(1) STRABO, Geogr. L. 5. p. 349. Unde VIRG. *arva opima* dixit, AEN. L. 2. v. 781.

(2) L. 1. c. 37.

(3) L. 2. c. 2.

„ gentes Italiae ante Romam conditam oberrarunt,  
 „ hac ex parte vitae nomadicae apprime idoneam  
 „ fuisse facile cuique patet.”

## §. 6.

*De Romulo ac Remo, pastoribus ac latronibus.*

Quum tandem ad ipsum Romulum et Remum  
 animum attendamus, quorum avus Numitor, pa-  
 triarchalem vitae rationem secutus, etiam greges et  
 armenta habuit, hos iam ante Romam conditam  
 five potius occupatam (1) armenta pavisse atque  
 adeo pastores et latrones fuisse quis nescit (2)?  
 Teste enim Livio (3), *ipse Romulus nec in stabulis  
 nec ad pecora segnis, iam antea gregem iuvenum  
 collegerat, cum quibus venando peragrabat circa  
 saltus, in latrones, praeda onustos, impetus fa-  
 ciebat, pastoribusque rapta dividebat et seria ac  
 iocos celebrabat.* Quibus verbis constat, Romulum  
 primo nihil aliud quam complurium pastorum ca-  
 put fuisse, a quibus ob fortitudinem et consilium  
 dux erat electus, aut quo illi circumerrantium  
 pastorum vicinarumve gentium latrociniis facilius  
 resisterent, aut ipsi, praedae capiendae cupidi, tu-  
 tius

(1) Cf. PERIZON., Dissert. de Histor. Rom. et Rom.  
 urb. Orig.

(2) DION. HAL. L. I. c. 79. seqq. Ov. Fast. L. 3. v. 191.

(3) Hist. Rom. L. 1. c. 4.

tius in alios impetum facerent. Hinc Iuvenalis latrocinia, quae prisci Romani egerant, increpans, eorumque superbiam ridens, cecinit: (1)

Et tamen ut longe repetas longaeque revolvās  
Nomen: ab *infami* gentem deducis asylo;  
Maiorum primus, quisquis fuit, ille tuorum  
Aut *pastor* fuit, aut *ILLUD*, QUOD DICERE NOLO,

Infitari enim non potest, nullam gentem tam plane pastorem esse, ut ne prioris venatoriae vitae vestigia simul remaneant atque appareant. Romanorum quidem pastores nunquam latrocinia deposuissent, sed semper latrones exstitissent, de posteriore tempore etiam Livius refert. (2): *Tarentum*, inquit, *provinciam L. Posthumius Praetor habebat. Is de pastorum coniuratione, qui vias latrociniiis pascuaeque publica infesta habuerant, quaestionem severe exercuit. Ad septem millia hominum condemnavit.*

§. 7.

(1) Sat. 8. v. 272.

(2) Hist. Rom. L. 39. c. 29.

(3) Idem ille populus, antea pastor, tandem ob latrocinia a vita pastoralis adeo abhorruit, ut ab Honorio et Arcadio Impp. severa lex lata sit (\*), qua Curiales plebei filios pastoribus nutriendos dare prohibentur, ea sanctione, ut si contra hanc legem fecissent, latronum societatem confiteri viderentur; unde quoque equorum usum variis legibus Valentinianus et Valens, Impp., pastoribus interdixere. (†)

(\*) Cod. Theod. L. 9. T. 31.

(†) D. Cod. L. 9. T. 30.

## S. 7.

*De historiae exemplis, priscam nomadicam Romanorum vitam testantibus.*

Quamquam Romanos, five potius Romuli socios, agriculturae quodammodo iam ante U. C. studuisse statuendum videtur, in primis tamen rei pecuariae operam dabant, unde postea a Floro (1) *Pastorius populus* vocati sunt, et *pastoritiae vitae feritatem diutissime retinuisse* dicuntur: (2) Quum enim Romanam historiam, maxime vetustissimam, consulimus, ubique pastorum earumque rerum, quae ad vitam pastoralem non dubie pertinent, mentionem factam videmus. Ut enim de Hercule, Caco aliisque pastoribus, eorumque vetustissimis, qui referuntur, regibus taceam, lupae fictio, quae Romulo ac Remo ubera praebeuit, nonne tota e pastoritia vita est defumta, ubi haec fera, in primis in Italia, pecori insidiatur, ut inde etiam Pana Lupercum, quasi *Lupos arcentem*, dixerint atque coluerint? (3) Nonne Faustulus, qui infantes expositos invenisse et educasse traditur, pastor et quidem regii pecoris magister fuit?

(1) Hist. Rom. L. 2. c. 1.

(2) Idem L. 1. c. 22.

(3) STRABO, Geogr. L. 5. p. 319. PLUT., Quaest. Rom. 67.

fuit? (1) Quid tandem maiorem in modum nomadicae vitae latrocinia prodit ac confirmat, quam ille Sabinarum virginum raptus? quid? quod centum fere annis post Romuli mortem duo e pastoribus ferocissimi delecti sint, qui agrestibus ferramentis Tarquinium Priscum in Urbe interfecerunt. Pastores itaque tunc temporis adhuc in ipsa Roma vel certe in eius vicinia degisse et summis reipublicae rebus se immiscuisse, quis inde non videt? (2)

### §. 8.

*De Romuli agendi ratione, vitae nomadicae congrua.*

Quemadmodum vero nomadicae gentes, in civilem societatem transeuntes, a labore averfi, bello dediti; et fortitudinis admiratores ac laudatores diu manent (3) et, sicuti Tacitus de priscis Germaniae incolis tradit, (4) *pigrum quin immo iners videtur sudore acquirere, quod possis sanguine parare*; sic Romulus cum his, qui se ei adiunxerant, illumque ducem elegerant, ad civile vitae genus transiens, nihilque nisi Romae paupertatem habens, cuius agri di-

(1) Liv. Hist. Rom. L. 1. c. 4.

(2) Idem L. 1. c. 40.

(3) FERGUSON, An essay on the history of civil Society, Lond. 1782. § of rude Nations under the impress of property and interest. CARUS, Ideen zur gesch. d. Menschh. S. 280.

(4) De Mor. Germ. c. 14.

divisi congregatarum stirpium gregibus et armentis non sufficebant, cum nemini maiorem agrorum modum, quam bina iugera tribuere potuisset (1), instar barbarorum, nondum cupiditate ductorum, ut proprio labore atque adeo honesto modo necessaria ad vitam sustentandam acquirant, bellica suorum studia secutus est, et in vicinarum gentium agros crebro irrumpens hos, veteribus sessoribus pulsus, aut sibi vindicabat, aut ex iis necessaria rapiebat, et sic illis latrocinij, saepius repetitis, continua bella cum finitimis oriebantur, quibus populus, assiduo exercitatus, ad illam martialem vitam ferebatur, qua postea ad gloriam et decus evectus, terrae orbis dominum sese iactare potuerit.

Ut vero ordine procedamus, iam videamus, qui et quales *coloni* fuerint, ~~quos Romulus secum duxerit~~, quibus leges dederit et quibuscum vetustam Romam incoluerit.

(1) PLIN. Hist. Rom. L. 18. c. 2.





## CAPUT TERTIUM:

### DE ROMULI SOCIIS ET ROMÆ.

#### §. i.

##### *De Romuli colonis.*

Coloniam, quam Romulus cum sociis constituit, Albana origine fuisse, iam ex supra dictis abunde constat. Ex Alba autem quinquaginta fere stirpium principes Romam profecti traduntur et magna pars plebis (1), aut quod familiis, in dies crescentibus, agri occupati non sufficerent, aut quod, agrorum iure non satis descripto, ab aliis oberrantibus pastoribus iniuriam passi, his cederent, aliasque sedes quaerentes Romulo et eius sociis se adiungerent, aut denique novarum rerum studiosi huc se conferrent, ut meliorem vitæ sortem nanciscerentur.

Cum his Albanorum colonis se iunxerunt alii pastores (2), qui omnes novam coloniam reliquis superiorem fore spem faciebant: Horum enim multos circa ipsam Romam in gregibus ac armentis pascendis occupatos fuisse constat, libere  
per

(1) DION. HAL. A. R. L. i. c. 88.

(2) LIV. Hist. Rom. L. i. c. 6. Flor. Hist. R.:  
L. i. c. i.

per pagos habitantes, nulli communi subiacentes genti, uti Strabo testatur: (1) Erat ergo Romana colonia iam ex variae conditionis hominibus congregata, sed omnes tamen fere non limitata libertate fruebantur, et quia hanc, nullis legibus adstrictam, retinere volebant, Romulum sequebantur. *Ilic vero ne vana urbis magnitudo esset, adiciendae multitudinis causa, Asylum aperit. Eo ex finitimis populis turba omnis sine discrimine, liber an servus esset, confugit, idque primum ad coeptam magnitudinem roboris fuit.* (2)

## §. 2.

### *De diversis colonorum generibus.*

Confluxerant autem Romam tria in primis hominum genera: Albani patres, qui non tantum stirpium capita erant, sed etiam iam alios pauperiores pastores secum habebant, qui se iis adiunxerant, quo tutius suos greges et armenta pascere, et *Clientes* vocabantur. Quales etiam nunc apud Arabes errantes plures stirpes se coniungere solent, et pauperiores ditioribus, qui simul et potentiores sunt, quaedam officia praestant in remunerationem clientelae, quam ab his

ca-

(1) Geog. L. 5. p. 350 et 351.

(2) LIV. Hist. Rom. L. 1. c. 8. FLOR. Hist. L. 1. c. 1. VELL. PATERC. Hist. L. 1., SENT. AUR. VICT. de vir. illustr. c. 11. LACTANT., Divin. Inst. L. 11. c. 6.

capiunt. (1) Alterum vero genus erant hi pastores, qui ob exiguitatem sui gregis vel armenti illos, qui pecore abundabant, sibi *patronos* elegerant, in quorum vicinia vivebant, quibus quaedam officia praestabant et quodammodo subiecti erant. Tertium denique colonorum genus, neque Patroni neque Clientes, ad asylum apertum undique convenerat, quod vero maximam partem certe non greges neque armenta habuisse, sed quia in suis stirpibus non contentum, vel novarum rerum studiosum, vel servitute presum erat, hanc reliquisse videtur.

### §. 3.

#### *De Romuli potestate in colonos in privatis rebus.*

His vero maiore ex parte pastoribus Romulus ut leges daret, omnium maxime necessarium duxit, ut, quomodo sibi obedirent, eos doceret. In privatis Romanarum stirpium rebus hoc fieri non poterat; nam uti inter Americanos australes nemo domi suae alii subiectus est, sed quisque ad familiam curandam ipsa consuetudine ducitur et affectibus animi sui regitur, dum quidquid in eorum domibus agitur, etiam ipsum homicidium, ad privatos spectat, (2) sic quoque  
Ro-

(1) Memoire sur les Trib. Arab. du desert de l'Egypte par Du Bois-Aymé, dans la descript. de l'Egypte publiée par les ordres de Napol. 1812. 2 Livrais.

(2) FERGUSON Essay, § supra laud.

Romani in suis domibus nullum imperium admittebant, quapropter multa privilegia, quae hinc in primos Romanos cives redundarunt, non Romulo, sed priscis moribus adscribenda videntur. Aderant enim iam, ante Romulum regem, omnia illa iura, quae pater Romanus, tanquam gentis caput, domi suae in totam familiam exercebat, quamvis haec ab historicis huic regi tribuantur, quia ab initio reipublicae in usu fuerant et ab eo confirmata sunt.

#### S. 4.

#### *De Romuli potestate in colonos in publicis rebus.*

In rebus vero publicis, etsi quidem plura constituere valebat Romulus, consuetudines atque instituta tamen e vita nomadica, quantum potuit, aservavit et in publicam civitatis salutem convertit: Respublica enim ad eam formam, quam primis temporibus habuisse legimus, sponte se accommodaverat, nec legislatoris auxilii magnopere indigebat, quamvis etiam haec Romulo sint adscripta, quae, eo regnante, fiebant. Si vero nomadicae vitae rationem habentes haec omnia ita explicemus, complura profecto, quae in primordiis huius civilis societatis locum habuere, quaeque, alioquin admodum obscura, variis modis interpretari postea conati sunt, explicatu atque intellectu faciliora reperiemus. Hoc quippe modo expeditae sunt quaestiones, quomodo Pa-

tres

tresfamilias congregari potuerint in Senatum, qui re-  
gibus tam difficilis atque molestus erat. Unde ius  
patronatus clientibus, sive plebi, tam grave ac du-  
rum ortum sit. Unde iam ab initio inter eos, qui  
ad communem finem obtinendum et ad maiore li-  
bertate ac securitate, quam antea habebant, fruen-  
dum, undique huc convenerant, tantum iam discrimen  
potentiae esset. Unde tandem tanta patronis privi-  
legia favorabilia essent, et tot odiosa plebem preme-  
rent. Nunquam enim apud gentes barbaras et incultas  
summi et infimi multum inter se distant; (1) in Roma-  
na vero republica statim iam ab initio quaedam iuris  
feudalis species locum habet. Multi optimates hic iam  
populum constituunt; unus eorum est dux, sed so-  
lum dux summusque magistratus, non dominus,  
qui per Senatum continetur, uti ipse Senatus in-  
gentem clientum multitudinem regit, qui quidem  
feri atque inculti, sed sub domesticae ac publicae  
libertatis specie ab hoc regi se facile patiuntur.

### S. 5.

#### *De prisca Roma, Nomadum urbe.*

Ut vero illos congregatos pastores paulo diligen-  
tius contemplemur, ipsam eorum urbem intremus,  
ut

(1) FERGUSON § of rude nations under the impress  
of property and interest.

ut ex tenui apparatu, qui ubique deprehenditur, et nomadico more, quo ibi vivitur, habitatur et agitur, ad ipsos incolas, quam nomadici adhuc sint, non dubiam sententiam feramus.

En in Palatino monte nonnullas casas, huc et illuc nomadico more dispersas, quam rudes, sine ornatu et cultu! (1) Exiguus nomadicis ipsorum habitatorum necessitatibus vix satisfaciunt: (2) Sunt enim nihil aliud, quam tuguria, partem ex canna palustri et stramine, partim ex tabulis ligneis confecta. (3) Ut autem foli humorem effugiant pastores, paululum modo lapidibus lateritiis, sole coctis, suffundata sunt (4) et ex sola fere area constant. (5) Intus nullum propemodum apparatus videas nisi arma, ad latrocinia necessaria, et pauca instrumenta, quae pauperis incolae usus exigit ad olera coquenda, caseum premendum et carnem praeparandam. (6) Dormitat hic paterfamilias cum tota familia eodem loco; cubilia autem sunt humus, in  
qua

(1) Cf., quae de Germanorum nomadicorum tuguria narrat TACITUS de Mor. Germ. c. 16.

(2) VITRUV. L. 2. c. 8.

(3) OV. AM. L. 2. EL. 9. v. 18. FAST. L. 3. v. 184. L. 6. v. 261. Cf. de Gallorum casis IUL. CAES. de bell. Gall. L. 5. c. 43.

(4) VARRO, ap. NON. c. I. n. 236.

(5) VITRUV. l. l.

(6) Romanis enim ad V saeculum post U. C. panem ignorarunt, nec nisi pulvere usi sunt, et pislores Romae non fuisse

ad

qua stipularum, ulvae vel foeni lectus (1) eam, a venando vel pascendo reducem, ad somnum invitat. (2)

Ipse rex pastorum, Romulus, in eiusmodi casa straminea, ceteris paulo maiore, quoque habitat. (3) Hic iam conspicitur exiguus locus, postea parvum atrium Vestae, ubi Numa prudens post aliquot annos habitabit. (4) Tempia, postea a superbis posteris in coelum evehenda, nusquam apparent; sed designatur tantummodo Iovis Feretrii templum, (5) quantum vero? Vix quindecim pedum longitudinem habebit. (6)

Quocunque oculos vertimus, Roma magis vici quam urbis formam prae se fert, (7) nisi quod vallum et fossa, quae ipse Romulus, album taurum albamque vaccam aratro iungens, ad moenia et portas designanda duxit, (8) solum munimentum

fit, ad Persicum usque bellum, annis ab U. C. amplius DLXXX. PLIN. Hist. Nat. L. 18. c. 28. VAL. MAX. L. 2. c. 5. §. 5.

(1) Ipsum vocabulum *lectus* a lectis sive collectis herbis ad cubandum dictum fuit. SEXT. POMP. FEST. in voc. *lectus*.

(2) OV. Fast. L. 1. v. 200. L. 3. v. 185. Cf. Tac. de Mor. Germ. c. 20.

(3) PROP. L. 2. El. 13. v. 20.

(4) OV. Fast. L. 6. v. 263.

(5) LIV. Hist. Rom. L. 1. c. 10.

(6) DION. HAL. A. R. L. 2. c. 34. ed. Angl.

(7) FLOR. Hist. Rom. L. 1. c. 1.

(8) VARRO, L. 4. §. 32. de ling. Lat.: *Terram, unde exscalpserant, FOSSAM vocabant et introrsum factum*

lit, quod novam urbem circumdat, quodque Remus, eius angustias irridens, inconsulte transfiliit. (1) Ubique plebs non solum, sed ipsi senatores, matatorum animalium pellibus a solis calore et aëris intemperie corpora defendentes, quia aliarum vestium ignari sunt, intus et extra in pascendis gregibus occupati sunt; (2) mox vero buccinae sonitu Quirites ad comitia cogentur, et centum pelliti senes sub dio in pratum congregabuntur (3) et statuent, quod longa posteritas verum ac immortale iudicet, quamvis finitimae gentes hos ipsos eorumque filios affinitate indignos arbitrentur. (4) En Romam quadratam. (5) En Romanos nomades, at tamen iam in civilem societatem congregatos, nec amplius oberrantes. Non immerito ergo Florus de prisca Roma: (6) *Pastorum casus, inquit, ignis ille (Gallorum) et flamma paupertatem Romuli abscondidit.*

MURUM. PLUT. de mod. cond. Urb. FLOR. Hist. Rom. L. 1. c. 1.

(1) DION. HAL. L. 1. c. 88. FLOR. l. l. OVID. Fast. L. 4. v. 825. PLUT. in Rom. c. 10.

(2) OV. Fast. L. 1. v. 204. De Germanis pellitis vid. TACIT. de Mor. Germ. c. 17.

(3) PROP. L. 4. El. 1. v. 13.

(4) LACTANT. Inst. Div. L. 2. c. 6.

(5) DION. HAL. A. R. L. 1. c. 88. et L. 2. c. 65.

(6) L. 1. c. 13.



P A R S P R I O R  
V E S T I G I A  
VITAE NOMADICAE,  
IN REBUS PUBLICIS  
R O M A N O R U M.

---

C A P U T P R I M U M.

DE STATU PUBLICO SIVE REGIMINIS  
FORMA APUD PRISCOS ROMANOS.

§. I.

*De Romulo eiusque nomadico imperio.*

Q uum primam imperii formam , quae apud priscos feroces Romanos exstitit, diligenter consideramus, hanc non multum ab ipsis vitae nomadicae institutis diversam fuisse, qualia apud plurimas gentes etiam nunc in pastoritio statu viventes inveniuntur, fatis ex eius temporis Romanae historiae reliquiis, quas supra memoravimus, nobis patere potest. Quamquam enim *primum regii imperii nomen*

*men in terris fuisse* recte admonuit Sallustius (1), omnesque antiquae gentes ubique quondam regibus paruerunt; (2) edocuit tamen historia gentium posteriorum, quae e statu nomadico ad civile transierunt vitae genus, has omnes *regium imperium* prae ceteris regiminis formis ideo tantum sibi elegisse, quia, ut pote rudes et incultae, aliam sibi formam constituere haud posset, cum ad reliquas eligendas maior iam prudentia atque solertia requiratur, quam nomadicae gentes habent; quae igitur formae magis excultis gentibus solum congruae esse possunt. Neque rudibus Romanis ea rerum peritia tribuenda videtur, ut omnia, ad evitanda mala, retinenda vero commoda, quae ex hac regiminis forma in cives redundare debebant, apte componere ac conglutinare potuerint; nam ad *regium imperium* ipsis nomadicis moribus ac institutis trahebantur. Primi autem reges incultarum gentium non fuerunt, qui fuisse videntur (3): Fuerunt enim nihil aliud, quam duces, quos nonnullarum stirpium principes, externam timentes vim, ut tranquillius greges et armenta pascere, tutiusque occupata pascua retinerent, quam antea separatim vagantes, sibi elegerant; quorum paucitati deinde alii se adiunxerunt, quoniam eiusmodi ducis fortitudine et consilio

(1) De bell. Cat. c. 2.

(2) Cic. de Leg. L. 3. c. 2. Iust. Hist. L. 1. c. 1.

(3) Cf. CHARLEVOIX Journ. historiq. d'un Voyage en Amérique p. 266 et 263.

lio ab aliarum vicinarum gentium iniuriis vindicabantur, vel ut ipsi minore cum periculo alios invaderent, pellerent illorumque agros occuparent, dum hi in pace et bello magis auctoritatem suadendi quam iubendi potestatem in congregatas stirpes habebant; (1) bello enim exorto, regum facta, non dicta sequuntur, nec disciplinam modo, sed exemplum etiam a ducibus petunt (2): Etsi vero horum auctoritas in rebus publicis magna est; in iis tamen, quae ad singulos spectant, admodum exigua conceditur, quoniam harum rerum curam sibi reservant nomades in civitatem coeuntes. (3) Sic Caribbeorum dux domesticas stirpium lites dirimere non facile sibi ipse arrogat; hae enim nullam civilis auctoritatis speciem admittunt. (4) Nec aliter quoque Romulus primo, et propter corporis vires et animi dotes, a iuvenum grege dux electus, quibuscum, teste Livio (5) feria et iocos celebrabat; mox a pluribus stirpium capitibus congregatis regnum ad vitae tempus inter illas, tanquam summus magistratus, adeptus est, uti etiam Caribbei aliaeque australis Americae gentes suos

(1) DIODOR. SIC. L. 2. c. 70. LOCKE Gouvern. Civ. c. 7.

(2) TAC. de Mor. Germ. c. 7.

(3) Memoire sur les Tribus Arabes du desert de l'Egypte, l. 1.

(4) History of Caribbees by FERGUSON §. 1. et CHARLEVOIX l. 1., ROBERTSON Hist. de l'Amérique. L. 4. §. 3.

(5) Hist. Rom. L. 1. c. 4.

suos duces non hereditarios, sed quamdiu vivunt, eligere solent; (1) atque domesticam libertatem suarum gentium, in civile vitae genus transeuntium, circumscribere non fuit ausus, neque potuit, nisi quatenus haec totius civitatis fini obstarer atque noceret, cum tuendae, non vero tradendae, libertatis causa cum Romulo ad societatem civilem coisissent.

Romuli autem regis munera enarrabimus, quo clarius pateat, quantum hic pastorum rex ab aliis in civilibus statibus, jam pridem constitutis, regibus differat, qui tum demum creantur, quum populus, avaritia, luxuria et ambitione perditus, aliisque rerumpublicarum, diu quacunque rerum abundantia florentium, vitiis obrutus, suam sibi retinere libertatem non amplius potest. Romulus sacrificiorum atque reliquorum sacrorum erat princeps, ita ut per eum gereretur, quidquid ad placandos publicos deos pertineret; (2) legum ac consuetudinum patriarum habebat custodiam; omnis iuris, quod vel natura dictitat, vel pacta et tabulae sanciant, curam agebat, et de gravissimis delictis ipse decernebat. Providebat praeterea, ne quid in iudiciis peccaretur, Senatum cogeat, populum convocabat, primus sententiam dicebat, quod pluribus placuisset, ratum habere debebat; in bello vero summum imperium exercebat. (3) Quis ergo hinc non videt, inter reliqua-

rum.

(1) History of Caribb., by FERGUS. § 12

(2) Cf. TACIT. de Mor. Germ. c. 10.

(3) DION. HAL. A. R. L. 2. c. 14.

rum nomadicarum gentium et primum Romanorum regem non multum discriminis fuisse; nec aliam potestatem etiam Romuli succesores habuere. Erat rex summus magistratus, populi atque Senatus consensu creatus; eligebatur autem vir optimus sive ex indigenis sive ex ipsarum stirpium capitibus, sive ex peregrinis; et, si a populo et Senatu probatum regem auspicia confirmassent, fuscipiebat hic imperium. (1) Quomodo vero posteriores reges omnem, quam possent, sentim arripuerint potestatem, historia Romana abunde docet. Sed Tarquinius Superbus, intersectis Patrum primoribus, novos in Senatum non legit, atque veterem morem, quo reges Senatum de omnibus consulerent rebus, primus solvit, ita ut neque populi iussu neque auctoribus Patribus regnaret (2), atque adeo imperium, nomadico more constitutum, in tyrannidem converteret, quapropter Romani iugum, sibi iniuste impositum a regibus, deinde excutiendum utile arbitrati sunt. Ad eum enim humanae culturae gradum iam adscenderant, ut maioribus societatis civilis commodis frui posse viderentur; illos vero nondum omnino illam civilem libertatem, quam Brutus dedit, (3) ne post ducentos et fere quinquaginta quidem annos recte ferre potuisse, exemplo Tarquinii Collatini, Bruti collegae, patet, quem ideo ex

ur-

(1) DION. HAL. A. R. L. 2. c. 6. 58. et L. 3. c. 1.  
PLUT. in Numa c. 7.

(2) LIV. Hist. Rom. L. 1. c. 49.

(3) Idem L. 2. c. 1.

urbe expulerunt, quia eodem ac ultimus Regum Romanorum nomine appellabatur, quod propter superbiam huius regis dominationem odiosum erat. (1) Periisse ergo tum aliquatenus nomadicam regiminis formam, exactis regibus, lucide patet.

### §. 2.

#### *De Senatu, e vita nomadica oriundo.*

*Senatus Romanus*, altera apud Romanos publicae potestatis pars, nulla in re differebat ab illis seniorum conciliis, quae apud nomadicis vel barbaras gentes constituuntur, quum de summis rebus deliberant, et uti ipsum nomen indicat et testantur omnes Romanorum historici, a senio sive aetate senili dictus fuit. Ubi enim solae consuetudines et usus longaevis pro legibus valent, ibi tantum senes, utpote usu periti, in consilium adhiberi possunt, quoniam in vita nomadica nulla se offert occasio, qua iuvenes senibus prudentia et solertia praevaleant, unde quoque semper maxima seniorum auctoritas apud omnes antiquos populos fuit.

Quamquam, ex Dionysii Halicarnasaei sententia (2), Senatum creavit Romulus, ut esset, quocum rempublicam administraret, tamen quum Romanorum res, quales ab initio fuerint, diligenter

(1) Liv. Hist. Rom. L. 2. c. 2. EUTROP. L. I. c. 8.

(2) L. 2. c. 12. 13.

ter consideremus, haec verba potius de Senatus ordine, munere, numero aliisque, quam de eius electione intelligenda videntur. Ubicunque enim, uti apud omnes nomadicas stirpes, sola senilis aetas cuique locum concedit in seniorum concilio, ubi iuventutis ardor et, in pugnis, virtus ducis nomen et honorem tribuit, ubi denique, imminente periculo, tota societas congregatur, ibi de origine potestatis iuris exsequendi sive regis, potestatis rectoriae sive Senatus et legislatoriae sive comitiorum populi, non est, quod diu anxie quaeramus; (1) quapropter rectius dicendum videtur, Romanos sponte ad eam regiminis formam, quam iam in Urbis primordiis videmus, sese accommodasse, et iam ante U. C. instabili sede errantes cum congregatis stirpibus Senatum constitutum habuisse, atque adeo *Senatus institutionem*, uti plurima alia, Romulo adscribi, quae illum ad certum ordinem redegissem, quam invenissem vero similis est.

Ipsos autem Romanorum historicos in varias sententias abire videmus, cur in *Senatum* congregati senes *Patres* fuerint vocati. Sunt enim, qui ab *auctoritate* (2), vel ab *honore* (3), vel ob *aetatem*, qua ceteris anteirent (4), vel *virtutem* (5), vel de-

ni-

(1) Cf. W. ROBERTSON, *Inleid. tot de Gesch. van Karel de V.* 2 D. bl. 23.

(2) FLOK. *Hist. Rom.* L. 1. c. 1.

(3) LIV. *Hist. Rom.* L. 1. c. 2.

(4) QUINCT. L. 1. c. 6. SEXT. POMF. in voc. *Senatores*.

(5) DION. HAL. A. R. L. 2. c. 8 et 12.

nique *paternam curam* (1) eos hoc nomine insignitos fuisse putent, dum alii *Patres* vocatos hos arbitrantur, quia hi, legitimorum patrum filii suos patres five stirpium capita demonstrare poterant, cum reliqua plebs, quae, aperto Asylo, undique in novam urbem confluxerat, quasi sine patribus et terrae filii esset. (2) Festus vero (3) hos *Patres* dixit, quia post U. C. agrorum, qui aderant, partes tenuioribus, tamquam liberis propriis, tribuebant. Quam parum ergo sibi de hoc nomine ipsi historici consent, ex dictis apparet. Quidquid itaque est, sufficit, illud nomen patriarchalis vitae rationi maxime conveniens esse, ubi multarum stirpium capitibus, quae praesunt ceterisque a consiliis sunt, saepe, uti etiam nunc in multis Africae tractibus, *Patres* vocantur, atque adeo statuere licet, Romanorum quoque confesum illud nomen, ad aliarum vicinarum gentium similitudinem, a suis congregatis stirpibus vel accepisse vel adsumfisse.

Senatus autem Romani munus in primis hoc fuisse constat, ut rex congregatos Patres de rebus publicis consulere, illi de his iudicarent, atque, si a rege propositae res civitatis salutis contrariae essent, negando prohiberent, ne rex imperio abuteretur (4) et,

quid-

(1) SALL. bell. Cat. c. 6. AUREL. VICT. de V. I. c. 2.

(2) PLUT. in Rom. c. 9. DION. HAL. l. I.

(3) L. 14. in voc. *Patres*.

(4) Postea eodem modo *Consulibus* moderator additus fuit Senatus. DION. HAL. A. R. L. 7, c. 55.



quidquid vellet, faceret. Rex itaque, quamvis in bello dux, in pace tamen de summis rebus cum Senatu deliberare debebat; (1) hic vero de nulla re deliberare neque quid certi statuere poterat; nisi quod rex vel populus ei deliberandum proposuisset, (2) ita ut respublica omnis in potestate Senatus esset, praeter legislationem, magistratuum creationem et belli pacisque arbitrium (3), quae omnia quam recentiorum etiam nomadum vitae rationi congrua sint, satis docent omnes, qui incultas gentes adiecerunt et de earum vitae genere, institutis ac moribus scripserunt. (4)

### §. 3.

*De populo comitiisque, e vita nomadica  
repetendis.*

Reliquis igitur, qui aut, aperto Asylo, e vicinis agris et iam quodammodo constitutis civitatibus Romam confluerant, aut clientum nomine Patres, suos patronos, huc erant secuti, remanserat, id

(1) Liv. Hist. Rom. L. 1. c. 2.

(2) DION. HAL. A. R. L. 2. c. 14. Cf. SARIUS ZAMOSC. de Senat. Rom. L. 1. p. mea 54.

(3) DION. HAL. A. R. L. 2. c. 14.

(4) Cf. FERGUSON, § of rude nations under the impr. of prop. and intr. l. l. et FR. A. CARUS, Ideen zur Gesch. der Menschh. § Urzustand der Urmenschh. MONTESQ. Esprit des loix. L. 6. c. 11.

id quod antea iam habuerant, *ius comitiorum*, in quae congregati leges iubere aut abrogare, magistratus creare, et a rege rogati de bello indicendo aut finiendo suffragiis decernere poterant, ita tamen, ut quod populus iussisset, tum demum ratum haberetur, si Senatus id comprobasset. Haec autem *comitiorum ratio*, quamvis temporis progressu pro diverso reipublicae statu admodum mutata, tamen, uti reliqua publica administratio, e vita nomadica originem duxit; quippe quamquam Arabum stirpes, in tribus confociae, plerumque maximum natu, quem *Sheikh* dicunt, tamquam omnium stirpium congregatarum patrem venerantur atque colunt, eiusque mandatis, quotiescunque ad publicam salutem spectant, facile obsequuntur, numquam tamen in comitia coire cesant, quum omnium res aguntur. (1) Nec aliter Galli (2) et Germani (3) sua concilia, in quibus de omnium salute et summis rebus consultabant, olim habuisse leguntur. (4) Romana vero comitia olim ita peragi solebant, ut in triginta curias divisus populus suffragium ferret, erantque hoc modo pauperes ferendis suffragiis ditioribus non

(1) *Memoire sur les Trib. Arab. sup. laud.*

(2) STRABO, *Geogr. L. 4. p. 301. CAES. de B. G. L. 1. c. 30. L. 6. c. 3.*

(3) TAC. *de Mor. Germ. c. 6. 11, 12. extr.*

(4) Idem de Hunnis affirmat AMMIAN. MARCELL. *L. 31. p. 473.*

non solum pares, sed, cum numero multo plures essent, uti creditu facile est, accidit, ut suffragiorum vis penes pauperes esset, quae quidem aequalis omnium suffragiorum potestas, quamvis inter illos, cum adhuc nomades essent, usitata, a primis regibus, civitatis commodo noxia et periculosa habita, a Numa Pompilio, patriciorum sive divitum auctoritate aucta, iam diminuta fuit. Servius Tullius vero, quamquam plebi in multis rebus blandiens, cuius gratia regnum sibi confirmari studebat, aristocratiam tamen quamdam fundavit, quippe qui quum aut leges ferre, aut magistratus creare, aut bellum indicere vel componere vellet, centuriata comitia pro curiatis convocavit. (1) Etiam si vero in publicis rebus nomadica populi libertas circumferiebatur, et pro diversis reipublicae temporibus, nunc aucta, nunc diminuta censebatur, retinuerunt tamen Quirites domi suae omne imperium in omnes, qui stirpi suberant, et, post exactos reges in comitiis denuo maiorem suffragiorum libertatem nacti, eam obtinuerant potestatem, ut non immerito dici possit, omnem imperii maiestatem semper penes populum fuisse, donec a Caesaribus, publica Romanorum libertate oppressa, comitia ipsa fuerint sublata. Cuius autem populi maiestatis quid quidem maius potest esse indicium, quam per omnia reipublicae tempora *civium ad populum provocatio*, et *fascis submittendi mos*, quoties magistratus in populi con-

(1) LIV. Hist. Rom. L. 1. c. 43.

concionem veniret (1) et, ut omittam de civis capite, libertate et civitatis iure nullum nisi populi iudicium valuisse; leges iubere, bellum pacemque decernere, foedera cum aliis inire populis atque dissolvere, in populi semper mansit potestate. An vero comitiorum ratio apud Romanos e pastoralis sive erratica vita originem ducat, si quis etiam nunc dubitet, audiat, quaeso, *ministorum cornua bubula*, quibus antea oves, boves et porci cogebantur (2), Quirites ad comitia buccinantia (3); videat, quomodo per omne reipublicae tempus instar pecorum gregum intra septa cogantur, tabulatis includantur, dum ipse comitiorum locus, a pecore *ovile* dictus, nomen semper servavit (4), ita ut, quum domus marmore, ebore et auro iam niterent, *gramine* adhuc fuerit *obsitus* ille campus, quasi si semper in priscae vitae pastoritiae memoriam, quam maiores egerant, hoc modo redire vellent. (5)

Singulis itaque, quae ad publicum statum apud priscos Romanos spectabant, expositis rebus, dubium

(1) CIC. Fragm. de Republ. L. 1.

(2) COLUM. de Re Rust. L. 6. c. 23. VARRO de Re Rust. L. 2. c. 4. L. 3. c. 13.

(3) DION. HAL. A. R. L. 2. c. 18.

(4) JUV. Sat. 6. v. 528. ibi Schol. Ipsum autem solenne verbum *cogere*, quod de civium comitiis, uti et de Senatoribus, usurpatur (PROP. L. 4. EL. 1. v. 13.), desumptum est a compellendo pecore. Cf. VIRG. Ecl. 3. v. 29. 98. et Ecl. 6. v. 89.

(5) Cf. PITISC., Lex. Ant. in voc. *ovile*.

bium quidem cuiquam esse haud potest, quin illa regiminis forma, quam primis reipublicae temporibus habuere, tota e vita nomadica sit derivanda: In civilem enim societatem coeuntes in statu publico omnia illa iura, quae, ut vidimus, e priore vita illis adhaerebant, quantum, salva reipublica, fieri potuit, facta tecta et integra servarunt; quae vero in privatis rebus remanserint nomadica iura, de iis infra dicendi locus erit. Videamus iam, quaenam erraticae vitae vestigia in *sacris* et *sacrorum ritibus* inveniantur, et quamdiu illae nomadicae religiones viguerint.



## CAPUT SECUNDUM.

### DE SACRIS PUBLICIS.

#### §. I.

#### *De sacrorum origine apud gentes.*

**O**mnes gentes barbarae, quamvis instabili vagantes fede, obscuro certe interno sensu, cuique homini insito, duci videntur, ut, cum naturam circum se contemplantur, verum Deum, qui omnia suo numine gubernat, ignorantes, neque efficientes causas cernentes, aliquid animo fingant, a quo se suaque curari credunt, et cui, quaecunque bona malave sibi evenerint, accepta referunt, quodque eam ob causam colunt atque divino prosequuntur honore. (1) Illud vero, cui cultum exhibent, quid, quale sit, in ipsius gentis exculto vel minus culto statu situm esse videtur, quandoquidem apud omnes gentes, sicuti ipse homo est, ita quoque eius dii inveniuntur, quippe in suis diis fingendis semper se ipse respicit consulitque, et his eisdem, quibus ipse regitur vel rapitur, animi motus et affectus tribuit, dum internus religionis sensus ab externis rebus, quae se offerunt, formas re-

(1) Cf. Cic. Tusc. Quaest. L. 1. c. 13; POLYB. Histor. L. 17. c. 54.

recipit, quae quidem quò magis animi et ingenii facultates excoluntur et perpoliuntur, eo propius ad verum Dei cultum accedunt, ita quidem, ut, si qua gens sit barbara, eiusdem saevitiae ac barbariei quoque dii eius esse debeant. Barbarus sua humana sacrificia Saturno suo gratissima credit, et eadem Diti aliisque saevis diis offert. Propter latrocinia, quibus admodum ipse delectatur, Martem suum latronem bellicosum fingit et rapinae, quam a vicinis fecit gentibus, partem, ubi hunc sibi propitium fuisse putat, grato animo ei exhibet. Deinde vero minus ferus, quum iam greges et armenta alens pastorem sequitur vitam, ex hac quoque deos sibi legat necesse est: Tum Faunum, Sylvanum aliosque minus saevos agnoscit assumitque deos; Pan tum curat oves oviumque magistros; tum lac, mel, et festis diebus caper, ovis, porcus, nonnunquam taurus pastoritiis sacrificatur diis, quamvis nec prioris barbarae vitae sacra saeviora omittat pastor. Ubi autem, temporis progressu, suadente terra, agros colere incipit, habet agricola Terminum deum, qui singulorum fines regit, habet Cererem aliosve, qui agris fertilitatem largiuntur, et pro maiore minoreve cuiusque rustici cultu et honore eam augere vel minuere creduntur. Tum praeter pastoralia munera, etiam liba ex farre, frugum et fructuum praestantissimi feruntur benignis diis. Ex quovis statu ante civilem societatem sic colit quaeque familia seu stirps deos, quos sibi suisque prae ceteris propitios fingit. Tandem vero ad civile

vitae genus adscendens, hos secum transire cogit, et suo quemque more colere pergit, donec melioribus imbutus moribus eorum sacra praetermittat, quae saniori rationi iam obstant, aliaque sibi eligat, quae tum ingenii tum animi facultatibus cultioribus magis congrua sunt.

### §. 2.

#### *De origine deorum privatorum et publicorum.*

Hisce sacris omni tempore stirpis caput, neminem se maiorem agnoscens, praecerat, eorumque ritus administrabat, et, quamquam sensim familia augebatur, eosdem deos, quamdiu sub eodem patriarcha omnes coniuncti vivebant, tamquam suae stirpis lares ac penates divino prosequeretur cultu; singulis vero, patriarcha mortuo, novas deinceps familias constituentibus, patriis diis novi, veteribusque ritibus alii addebantur, atque, sic temporis progressu, quum stirpes in tribus, tribus in civitatis speciem coalescerent, et suos quisque deos, quos antea, separatim oberrans, habuerat, cum sua stirpe Pater nihilominus colere non cessaret, deorum numerus mirum in modum accreverit, cultusque admodum diversi fuerint necesse est.

Cum vero non raro accideret, ut multae stirpes eundem vel eosdem deos, cultu parum diverso, colerent, id quod inter gentes, quales Romani, in eadem regione degentes, et fere omnes ex eadem stir-



stirpe olim oriundas, necessario locum habere debuit, ad civitatis tranquillitatem confirmandam, omnes eiusmodi dii cum sacris ab omnibus assumebantur atque tum *publici* fiebant, qui antea complurium familiarum fuerant *privati*, atque sic divinus cultus omnibus eiusdem tribus vel civitatis sensim communis exoriebatur, qui, mutuum inter illas stirpes vinculum constituens, ad omnium felicitatem promovendam, mirum quantum, faciebat. Haec si consideramus, explicatu facile est, unde Romani, posteaquam in civilem societatem coierunt, gentis suae sacra, Lares ac Penates, a reliquis diversos, habuerint, coluerint privatumque horum cultum tam insignem in omnes suae gentis posteros propagarint, ut huius vestigia nomadica diutissime in Romana republica remanerent. Unde Romani etiam, magna ex parte ex Alba Longa orti, plurimos deos et plurima sacra inter se cum hac urbe et reliquis Latii gentibus communia habuerunt, quorum cultus *publicus* factus est, uti et ipsi dii inter publicos sunt recepti.

### S. 3.

*De Romulo, sacrorum praefide, et Numa  
Pompilio.*

Quemadmodum vero in quaque nomadica familia stirpis caput sacra obit ritusque observare solet, qui

q̄ maioribus traditi stirpi adhaerent (1); sic quoque Romulus, tamquam omnium illarum stirpium, quae se ducem caputque elegerant et Romam convenerant, pater et sacerdos publice receptorum deorum sacra curavit et administravit (2). Non enim ab his vetustissimis temporibus repetenda est illa politica ratio, quae cultum divinum imperii partem esse iubet, et qua populus divinarum poenarum timore contineatur, sed potius referendum est hoc duplex patris et sacerdotis munus ad maiestatem, quae res divinae confici debebant. Sicuti inter nomadicas gentes semper in summo honore sunt, qui res divinas curant et religiones interpretantur (3). Quum vero temporis progressu sacra et civilia ita coniunxerunt Romani, ut in comitiis Pontifices praesent, sacerdotes iurisconsultorum augurumque munus obirent, Pontifices de omnibus causis, ad sacra pertinentibus, iudicarent, leges de rebus sacris conderent, de deorum cultu et religionibus responderent, denique Pontifices Maximi summi magistratus essent, tum demum ortum videtur illud, ut res sacrae ad politicas, hae vero, cum illis coniunctae, ad publicam Romanorum salutem plurimum facerent.

Romulo deinde de medio sublato, Numa Pompilius intelligens, se illam nomadum turbam, e tot

di-

(1) TAC. de morib. Germ. c. 10.

(2) DION. HAL. A. R. L. 2. c. 14.

(3) IUL. CAES. de bell. Gall. L. 6. c. 13, 15.

diversis stirpibus iam conflata, priorum latrociniorum sive belli studiis a Romulo non satis temperatis, patriarchali ratione non sub suam retenturum potestatem, nisi id ageret, quod omnes nomadicarum gentium duces et barbaris imperantes populis fecerunt, ut deorum metum, ad imperitam plebem regendam efficacissimum, multitudini iniiceret, sacris caerimoniisque variis instituendis et confirmandis deae Egeriae monitu, uti affirmabat, effecit, teste Floro, ut *quod vi et iniuria occupaverat imperium, religione atque iustitia gubernaret* (1); ubi enim rebus humanis coeleste numen interesse videtur, sit, ut proximo legum ac poenarum metu regantur gentes (2). Quae vero post Numae mortem introducta sunt sacra ac religiones apud Romanos, omnino tribuenda sunt principum artibus in civitate, ut plebis animos aut augerent aut deprimerent, ut militem populum, aut ad bellum cicerent, aut a bello avocarent, ut comitia ad leges ferendas aut antiquandas pellicerent, variisque nugis Quiritium mentes delinientes, hos circumducerent, quocunque sibi placuisset.

#### §. 4.

##### *De Feriis Latinis.*

Ut vero ad deos atque eorum sacra redeamus, quae e vita erratica originem ducunt et una cum  
fir-

(1) FLOR. Hist. Rom. L. I. c. 2.

(2) LIV. Hist. Rom. L. I. c. 20.

stirpibus in civitatem Romanam transferre, primo quidem huc spectare videtur *Iovis Latiaris* cultus: *Feriae* enim *Latinae*, ab Albanis ad Romanos transmissae; eiusmodi fuere sacra, quae quotannis per aliquot dies in Albano monte cum omnibus Latii populis, cum in finem huc congregatis, in communis originis, ut videtur, memoriam celebrarentur. Tum enim unus taurus, deo universi Latii, communi gentium nomine, immolatus, inter singulas gentes distribuebatur; haec autem, ad hoc nomadicum festum invitatae, nomadicae vitae cibos, agnos, caseum et lac adferebant, quibus per eos dies alerentur (1). Erant vero haec *Feriae* tam solennes, ut, tamquam inter populum Romanum Latinosque eo tempore induciae essent, bellum inchoari non deceret (2).

Quamquam vero per multa saecula a Romanis in hoc festo hominem quoque immolatum Lactantius inuere videtur, quum dicit (3): *Latiaris Iupiter etiam nunc sanguine colitur humano*, non tamen propterea haec sacra minus e nomadica vita orta dici possunt, sed multo magis ab illis barbaris temporibus repetenda sunt, quibus gentes humanas victimas diis obtulerunt, licet huius humani

(1) DION. HAL. A. R. L. 4. c. 49.

(2) MACROB. SAT. L. 1. c. 16.

(3) INSTIT. DIV. L. 1. c. 21. Cf. TERTULL. ADVERS. Gnost. c. 7. MINUT. FEL. p. 297. Ed. Elmenh. ATRANI. CONTR. GENT. p. 21.

ni sacrificii a nullo Romanorum historico ante Lactantium mentio fiat. Utrum igitur haec barbaries ad eas ferias Latinas, ad quas ex omnibus stirpibus, in eadem regione eodemque tractu cum pecoribus oberantibus, nonnulli quotannis certo die conveniebant, et ad pacem amicitiamque inter gentes colendas solenne foedus inibant, an, quod magis simile vero videtur, ad alia sacra, Iovi Latiari oblata, sit referenda, plane latet.

## §. 5.

*De Lupercalibus.*

Inter vitae erraticae sacra non minus nominari merentur *Lupercalia*, ut pote quae ipsi Romani a pastoralis vita, quam olim maiores egerant, repetenda duxerint; haec enim ab Euandro, prisci temporis rege, derivant, adeoque a tempore, quo gentes in Italia patriarchali modo vivebant, quaeque etiam Ciceronis tempore tam nomadico peragebantur modo, ut ab hoc Romano, magis exculto quam reliqui, dicantur (1): *Fera quaedam sodalitas et plane pastoritia atque agrestis germanorum lupercorum, quorum coitio illa sylvestris ante est instituta, quam humanitas atque leges.* Nec mirum: in his enim Pani sive Lupercio, pastorum deo, lac offerentes et caprum sacrificantes, ut lupos a pecore arceret, subligaculis praecincti, cetera nudi,

per

(1) Pro M. Coel. c. 11.

per urbem discurrebant et flagellis, ex pellibus caprinis factis, mulieres aliosve obvios verberabant (1). Quantopere autem haec nomadica sacra Romanis omni tempore in deliciis fuerint, inde patet, quod, quum diu Romae duae Lupercorum, sive Luperci sacerdotum sodalitates essent, quae quotannis sacra facerent, Iulius Caesar ad Fabiorum et Quinctiliorum tertium collegium Iuliorum addiderit (2). Augustus deinde haec, suo tempore aliquamdiu remissa, restituit (3), atque ita pastoralia sacra ad Anastasii Imp. tempus manserunt: tum enim Gelafius, Pontifex Maximus anno C. N. CCCCLXXXVI ea diutius ferre noluit, et quia inter Romanos Senatores multi iis favebant, multum in ea invecus fuit, quo facto tandem cessasse videntur (4).

### §. 6.

#### *De Paliliis.*

Quis inter nomadica sacra non in memoriam *Paliliorum* redeat, vetustissimorum sacrorum, quibus  
qui-

(1) DION. HAL. A. R. L. 1. c. 88. Liv. Hist. Rom. L. 1. c. 5. PLUT. Quaest. Rom. c. 67. Id. in Romul. c. 20. VAL. MAX. L. 2. c. 2. § 9. Quum autem postea huius dei simulacrum finxere Romani, ut plane pastorem originem indicaret, Satyrum nudum, caprina pelle amictum, sibi fecerunt, IUST. Hist. 43. 1.

(2) DION. CASS. L. 44.

(3) SUET. vit. Aug. c. 31.

(4) BARONIUS Tom. 6. ad A. 496. N. 28. sqq.

quidem Romani, ut in civilem societatem transierunt, natalem urbis diem celebrarunt; quae vero diutissimè ante Romam conditam sive occupatam iam inter pastorias gentes locum habuisse ipsa foelennia satis testantur: pastores enim ovilia tum purgantes et solenni ritu oves lustrantes Pali, pastorum deae, lacte et libis, e milio et sapa (1) confectis, pro felici partu pecoris sacra solvebant, *Consulat ut pecori pariter pecorisque magistris*. His finitis, acervi, ex congesto foeno aut collectis stipulis facti, accendebantur, quos pastores, ut fumo corpora expiarent, transilire solebant. Varios autem ritus, quos postea Romani in his sacris observarunt, narrat Ovidius. (2)

Tandem hoc festum pastoritium inter honores, Iulio Caesari decretos, est celebratum (3), uti etiam postea dies, quo Caligula imperii auspicium fecit, Paliliorum nomen obtinuit. (4)

### S. 7.

#### *De Saturnaliis.*

Nec omittenda sunt hoc loco Saturnalia, quibus nomadicam vitam in memoriam revocarunt

Ro-

(1) *Sapa*, ex melle confecta potio, postea *mellaceum* dicta, NONN. in voc.

(2) FAST. L. 4. v. 721 sqq. Cf. TIBULL. L. 2. El. 5. v. 27. 87. sqq. PROP. L. 4. El. 4. v. 71.

(3) DION. CASS. L. 44. p. 234.

(4) SUET. in Cal. vit. c. 16.

Romani, qua, Saturno deo in Italia regnante, homines, nondum in civitatem coacti nullisque definiti terminis, nomadum more, libere oberrarunt, omnesque parem libertatem habuerunt, quapropter etiam ad ea celebranda per omnes dies, nullum inter fervos et dominos discrimen requirebatur; sed servi, omnium immunes operum, libere, quidquid vellent, facere poterant; muneraque gladiatoria, quae his festis diebus edebantur, humanorum sacrificiorum, quibus ille deus olim delectatus fuerat, memoriam renovabant (1). Nec dubium videtur, quin ipsi gladiatores hanc ob causam Saturno sacri fuerint. (2)

## §. 8.

*De Saliis.*

Quamquam *Saliorum* originem ad Numae institutionem Romanorum historici referunt (3), altius ta-

(1) MACROB. Sat. L. 1. c. 7.

(2) Erravit itaque Livius, qui ea anno U. C. CCLVII instituta refert, cum iam ante U. C. cognita fuisse et VARRO (\*) et MACROBIUS (†) testentur, et ipsa sacra perspicue demonstrant.

(3) DION. HAL. A. R. L. 2. c. 70. 71. PLUT. in Num. Salios ante U. C. Herculis sacerdotes fuisse testatur MACROBIUS Sat. 3. 12. Cf. VIRG. Aen. L. 7. v. 285. Ibiq. SERV. LIVIUS quoque (Hist. Rom. Lib. 1. c. 20.) dixit

le-

(\*) De L. L. c. 5.

(†) SAT. L. 1. c. 7.



tamen eam repetendam esse quis non videt? Prudens enim hic legislator nomadicum illum morem, qui potius e venatoria quam pastorali vita est derivandus, ideo tantum arripuisse videtur, quo novum sui populi nomadici ducendi vinculum inveniret, utpote qui assiduis primo latrociniiis, deinde bellis, sub Romulo cum vicinis gentibus gestis, iam tam Martialis esset factus, ut a bello, quantum posset, cum revocare utile arbitraretur, adeoque sacra, quae ex sua barbara institutione ad bellicam virtutem excitabant, deorum cultu compesceret. Manserunt nihilominus ritus horum sacrorum, e quibus de nomadica eorum origine non dubium iudicium ferre licet.

Ineunte enim Martio mense quotannis, in Martis, urbis dei, honorem ad tibiærum modos gesticulabantur, nunc simul, nunc per vices axamenta, five pæanes quosdam patrios, canentes, quæ antiqua carmina ipsis Romanis deinde tam obscura fuerunt, ut vix ab ipsis Saliorum sacerdotibus satis intelligi posset. (1) Accincti singuli gladio,

dex-

*legit*, uti FLORUS (Hist. Rom. L. 1. c. 2.) *descripsit*, id est, in certum ordinem redegit Numa, cum ea etiam Urbe vetustiora putet FESTUS, in voc. *Salii*. Mirum vero nemini hoc scriptorum discrimen videri potest, cogitanti, quam parum certi per quinque priora sæcula de Romanorum historia et de rebus, ad eam pertinentibus, statuere liceat, nisi e posterioris temporis moribus lux addit, quæ ad eorum originem nobis praeluceat.

(1) QUINTIL. L. 1. c. 6. Indicabant autem, uti

dextra lanceam , sinistra ancile tenentes , ita armati saltabant , et , gladiis ad scutum collisis , crebros ciebant strepitus et motus , quos Praeful *amptuabat* , sive edebat , et reliqui *redamptuabant* , sive repetebant . Peractis mox sacris et tripudio , opiparis excipiebantur epulis .

Quum autem haec sacra cum iis comparamus , quae inter gentes Asiae et Africae , aliasque barbaras aut ad laetitiam ob reportatam ab hostibus victoriam aliave fausta testanda , aut , statutis temporibus , in deorum honorem saltationibus quibusdam , et ad tympanorum sonum peragi , semperque communibus epulis finiri solent , sane nemini dubium esse potest , quin apud Romanos etiam ab illis temporibus sint repetenda , quibus , venatoriam barbaramque vitam agentes , cum venationis fociis hoc modo laetitia exultabant ; quem morem deinde Romani , cum tota respublica , Romulo duce , ad bellum esset composita , non servarunt solum , sed ad bellicam virtutem etiam accommodarunt .

### §. 9.

*De nonnullis sacrorum ritibus , e vita nomadica oriundis.*

Et si sacra , quae memoravimus , et plura alia , inter quae sine dubio Fauni Sylvanique referenda sunt , pri-  
VARRO ait , veterem memoriam institutionis . Vld. de L. L. c. 3 , in voc. *Mamurius Veturius* .

priscæ pastorali vitæ originem debent, aliter tamen fieri non potuit, quin temporis progressu multi ritus a pontificibus fuerint priscis sacris additi, qui vel ex agricolarum vel e civili vita fuere desumpti, unde pristinam nomadicam formam quodammodo amiserunt, sicuti quoque in sacris, posteriore tempore institutis, multa in ritibus vitam pastoriam sapiunt, quam sub regibus certe ex parte tantum reliquerant. Quoniam vero in tam obscura re omnia separare atque distinguere difficile est, potius, ne incerta pro certis referam, et quaecunque sese animo offerunt, promiscue afferendo lectores fatigem, fatietati eorum occurrens plurima, quæ alioquin huc spectare videbantur, hic omittenda putavi. Romani enim in sacris multa Græciæ colonis, in Italia advenis; plurima vero Etruscis, genti iam eo tempore ceteris magis excultæ, accepta referre debent, quorum urbem *Cære* propterea *sacrarium populi Romani, deversorium sacerdotum ac receptaculum Romanorum sacrorum* Livius vocavit (1), quam tamen gentem etiam antea nomadicam fuisse quis dubitet?

## §. 10.

*De apparatu sacrorum nomadico.*

Si iam ad sacrorum apparatus, qui speciem non dubiam vitæ pastoralis præ se fert, attendamus,  
sino

(1) Liv. Hist. Rom. L. 7. c. 20.

sine dubio huc spectat *lactis* usus in sacris. Hoc enim Romulus in omnibus sacris instituisse dicitur (1), uti Numa, quum, civitate iam constituta, agrorum cultioni Romani studerent, deos frugibus colere et iis mola falsa supplicare instituit. (2) Quum vero animo perpendimus; pastorem populum, quales Romani fuerunt, nihil praeter pecora, bubulum, ovillum et caprinum, habuisse, quod diis offerrent, mirum videri nequit, hunc regem lactis usum confirmasse in sacris, cuius usum etiam posteriores Romani in plurimis sacrificiis, in primis deorum rusticorum retinuerunt; inferis autem diis semper, si victimis abstinerent Romani, lacte sacrificarunt. (3) Ad hanc nomadicam simplicitatem Plinii quoque verba spectant, quum dicit: *L. Papirius, Imperator, adversus Samnites dimicaturus, votum fecit, si vicisset, Iovi POCILLUM VINI*; addit autem de suo tempore scribens: *Denique inter dona SEXTARIOS LACTIS datos invenimus, nusquam vini.* (4) Sic quoque in veterem lactis memoriam in Bonae deae sacris vinum, quod in milliario, sive amphora, feminae sacrificantes bibebant, et quod gustare illis non licebat, sem-

(1) PLIN. Hist. Nat. L. 14. c. 14.

(2) Idem L. 18. c. 2.

(3) VIRG. Aen. L. 3. v. 66. L. 9. v. 215. SIL. Ital. L. 4. v. 548. Cf. L. 10. v. 519. L. 11. v. 82.

(4) PLIN. Hist. Nat. L. 14. c. 14.

femper *lac* vocarunt. (1) Ad nomadicam originem spectare quoque videtur, Romanos, non aureis neque argenteis vasis, in quibus libationes infusae essent, sed *capedinibus testaceis* usos fuisse; nec quidquam ad hanc priscam frugalitatem in deorum cultu postea a luxuriosis Quiritibus additum fuisse, testis est Dionysius Halicarnasaeus. (2)

Quum victimae sacrificarentur, quae omnes e vita pastoralis erant desumptae, paucis exceptis, quas posterior usus introduxit, vittae, e *lana* confectae, victimarum ac sacrificantium capita cingebant (3), uti et aras, quae ipsae, priscam nomadicam simplicitatem testantes, per omnia reipublicae Romanae tempora ut plurimum e *caespitibus* exstructae fuere (4), adeoque speciem non dubiam nomadicae originis prae se ferebant: lanificium enim nomadicis gentibus propter oves notissimum fuit, utpote quod animal transeuntibus e venatoria ad pastoralem vitam, ubicunque invenitur, primum fuerit, quod captum mansueceret. (5)

## §. II.

(1) MACROB. Saturn. L. 1. c. 12. PLUT. Quaest. Rom. 20.

(2) A. R. L. 2. c. 23.

(3) VIRG. Aen. L. 4. v. 458. PROPERT. L. 4. El. 6. v. 6. Cf. PASSER. Paralip. Dempst. p. 126.

(4) SIL. ITAL. L. 4. v. 703. L. 16. v. 263. HOR. L. 1. Od. 19. v. 18. OV. Trist. L. 5. El. 5. v. 10.

(5) Vid. infr. C. de Ritib. Nupt. nom.

## § II.

*De lucis, auspiciis et auguriis.*

Quemadmodum autem Germani (1) aliique antiquissimi populi (2) *lucos* consecrabant, et secretum illud, quod sola reverentia vident, deorum nominibus appellabant, sic Romani omni tempore plurimos *lucos* etiam in urbe habuerunt, in quibus propter illud horrendum, quod procerarum arborum congerie in hominum mentes imprimitur, deos imprimis habitare arbitrati sunt iisque sacrificarunt: *Si*, ait Seneca (3), *tibi occurrit vetustis arboribus et solitam altitudinem egressus frequens lucus, et conspectum coeli densitate ramorum, aliorum alios protegentium, submovent: illa proceritas sylvae et secretum loci et admiratio umbrae, in aperto tam densae atque continuae, fidem tibi numinis facit.*

Quid de *auspiciis* et *auguriis*, sine quibus, expulsis regibus, nihil publice nec domi nec militiae gerebatur, plura dicam, ad indicandum, haec quoque e nomadica vita originem traxisse, quam Germanos auspicia fortesque maxime quoque observasse, et avium voces volatusque in omnibus inter-

(1) TACIT. de Mor. Germ. c. 7, 10. et saepe.

(2) De Israël. vid. Lib. Iudic. c. 3. c. 7. ESAIAS c. 17. c. 8. Regum L. 2. c. 17. c. 16.

(3) Epist. 41.

terrogasse tam privatis quam publicis rebus. (1) Ipse autem Romulus auguriis, quae de regno auspiciando cepisse traditur, iam ea arte excelluisse videtur, cuius auguratus a Cicerone *pastoralis* vocatur, utpote *qui pastoribus praeesset* (2); haec enim ars inter gentes, quae semper, uti omnes nomades erratici, sub dio versantur, et sidera, aves ac pecora assidue ante oculos habent, ubique facile inveniri debuit. (3) Quomodo vero postea hanc artem ad imperitam plebem ducendam adhibuerint, utpote quae a diis hoc modo suam voluntatem significari crederet, inde patet, quod hoc sacerdotium nemini, ne ob maxima quidem flagitia, adimi potuerit, *ne auguratus scientia arcana plebi innotesceret*. (4) Namque augures e coelo, avibus et diris, quae populo Romano conducerent, observantes, omnium rerum solemnum et publicarum initia procurabant, unde Plutarchi (5) verba explicanda sunt, *quod viris, qui reipublicae praesunt, conducat, ut superstitione, quasi freno, temerariam et dissolutam plebem compescant et ad utilia cogant*.

## §. 12.

(1) Tac. de Mor. Germ. c. 10. Cf. Lib. Regum L. 2. c. 17. c. 17.

(2) De Divinat. L. 1. c. 47 et 48.

(3) Cf. DION. HAL. A. R. L. 2. c. 5.

(4) PLUT. Quaest. Rom. 97. Cf. DION. HAL. A. R. L. 2. c. 6.

(5) De Gen. Socrat. c. 9.

## §. 12.

*De superstitione nomadica apud Romanos.*

Omnibus incultis gentibus eadem est superstitio, ex eodem fonte deducta, ex metu et anxietate, quae vero naturalium rerum imperitia mirum in modum alitur; hinc omnia eventa, quae ab humana mente praevideri nequeunt, ab invisis Geniis dirigi putant, quapropter etiam barbarus quisque et nomas in causis obscuris suae ipsius perturbationis victima est, et cum se prudentia aut fortitudine a metu tutum praestare possit, potius ad divinationes confugit et ad varietatem observationum, quibus confidit, quasque veneratur, quia omnia, sibi imperitia haud explicabilia, a proxima dei cuiusdam operatione deducit. Romanus autem nomadicis maxime superstitionibus addictus mansit; quoniam reipublicae sacra et deorum cultus propter *auspicia*, *auguria* *Sibyllinosque libros* ab his separari haud poterant. In primis vero huc referri merentur *dies atri*, *ominosi*, aliique, quibus, uti Germani, Cetae pluresque nomadicae gentes, nihil suscipiebant (1); porro *magicae superstitiones* huc quoque spectare videntur, quibus omni tem-

po-

(1) TACIT. de Mor. Germ. c. 11. Ol. Worm. Fast. Danic. L. 2, c. 23.



pore maximam habuere fidem, quae quidem omnibus gentibus, maxime vero incultis, sunt propriae, et e barbara et pastoritia vita etiam originem ducunt; sicuti magicae artes, inter quas etiam fascinationes, quae per oculos fieri credebantur (1), Arabibus adhuc in usu esse traduntur (2).

Ad sacra publica, quae e vita nomadica originem ducunt, pertinent etiam *humanae victimae*, ut pote quae partim ad *superstitionem*, partim ad *deorum cultum* spectarunt, de quibus igitur hic quoque agendi locus erit,

(1) VIRG. Ecl. 3. v. 103.

(2) D'ARVIEUX, *Reis naar d. g. Emir*, bl. 328. 336 enz. A concise history of the Moors in Spain by BOURKE, Lond. 1811.



### CAPUT TERTIUM.

#### DE SACRIFICIIS HUMANIS.

##### §. I.

##### *De Romanis, homines sacrificantibus.*

Quum sacrificia humana, quae apud Romanos a vetustissimis inde temporibus ad extremum imperium in usu fuerunt, consideramus, profecto non omnes nomadicas gentes eorundem crudelium morum eiusdemque inhumanitatis fuisse, nec idem vitae institutum servasse, facile convincimur, si cum priscis Romanis multi e nuper detectis et cognitis populis comparantur. Quam feri enim, quam saevi et minime humani, vel ipso fuerunt tempore, quo, iam omni artium et literarum genere abundantes, sese ad humanitatis fastigium pervenisse gloriarentur? Etenim quamquam, non humanae carnis avidi, captivos eo fine non mactabant, ut eorum carne instar Cannibalium vescerentur et sanguine alerentur, eam tamen barbaram consuetudinem, qua deos humano sanguine delectari, eorumque iram humana caede placari putarent, uti olim Scythae (1), Germa-

(1) STRABO, Geogr. L. 1. p. 58.

mani (1), Galli (2) alique (3) et adhuc plurimae Asiae atque Africae gentes (4), ad ultimum Romani imperii tempus locum habuisse, donec Christianis praeceptis mitigarentur, abunde constat; nec tam rara fuit illa humanarum victimarum immolatio, quin, historia duce, ordine haec barbarae et nomadicae vitae vestigia persequi possimus.

### §. 2.

#### *De Saturni et Dis sacrificiis et puerorum immolatione.*

Antiquissimis temporibus Romani nomades Saturno humanas victimas obtulerunt, quem statutum ac annum sacrorum morem Hercules abolens, aram in colle Saturni fundasse, et, ut sanctae hostiae puris adolerentur ignibus, et pro hominibus oscilla, horum habitu exornata, in fluvium mitterentur, auctor fuisse traditur; quem quidem morem po-

(1) TAC. de Mor. Germ. c. 9. et 39.

(2) CAES. de Bell. Gall. L. 6. c. 15. IUST. Hist. L. 26. c. 2. CIC. pro Fonteio c. 10.

(3) LIB. REG. 2. c. 3. c. 27. Cf. TAC. ANN. L. 14. c. 30. extr.

(4) BRYANT Observations and Inquiries, relat. to various parts of ancient history, § de *anthropothusia*. MEYERS de hum. sacrif. in COMM. SOCIÉT. GOTT., Vol. 9.

posteriore tempore servarunt, ut quotannis, Idibus Maiis, triginta hominum imagines de Sacro Ponte in Tiberim deicerent. (1) Sic quoque Ditem humanis capitibus placasse dicuntur, et pro familiarum hospitalitate Maniae Deae, matri Larium, pueros olim a Romanis fuisse mactatos, testis est Macrobius. (2) Quod quidem crudele sacrificii genus, quamvis a Bruto Consule, alio minus saevo modo celebrandum, sit institutum; non ita tamen abrogari potuit, quin C. Marius priorem barbarum in subolem faeviendi morem renovaret, quippe qui anno U. C. DCL, ut adversus Cimbro felicitè rem gereret, Calpurniam filiam Diis Manibus immolaverit. (3) Quum vero animo reputamus, quam libere Romanis de liberis suis agere, quam crudeliter eos vendere, exponere, interficere licuerit, et quam superstitiosi omni tempore fuerint, non mirum videri potest, hunc inhumanum ac barbarum morem semper in usu fuisse; cum ipse Maxentius, Imperator, e dissectis infantibus auguria cepisse tradatur (4), et alios non minus saevos usus Romanorum historia ubique prodat.

§. 3.

(1) PLUT. *Quaest. Rom.* 31. DION. HAL. *A. R.* L. I. c. 38.

(2) SATURN. L. I. c. 7, med. et extr.

(3) CLEM. ALEX. *Coh. ad Gent.* PLUT. *Paral.* 20.

(4) ZONARAS *Annal.* Tom. 3. princ.

## §. 3.

*De sacrificiis religiosis, seu ex Sibyllinis libris.*

Quam inhumane fane, primo bello Punico, quum bellum cum Gallis instaret, ex Sibyllinorum librorum vaticinio, Graecus et Graeca, Gallus et Galla, ad publicum malum avertendum, vivi Romae in foro Boario sub terram fuere demissi? (1) Apud Romanos autem eo tempore id sacrificii genus non rarum fuisse testantur Plutarchi verba, eiusmodi speciem sed posterioris temporis referentis (2): *Cur, rogat, Romani, cum inaudivissent a Bletonnesiis, qui est populus Barbarus, immolatum diis hominem esse, eorum magistratus acciverunt, ut poenas de iis sumerent: Cum autem appareret, legis cuiusdam iussu id factum, misos eos fecerunt; sed isto sacrificio in posterum interdixerunt? Ipsi vero, non multis ante annis, duos viros totidemque mulieres in foro Boario, alteros Graecos, alteras Graecas, vivos defoderunt? Videtur enim absurdum ista facere et barbaris tamquam nefaria exprobrare eadem. An diis immolare homines nefas putabant; geniis autem necessitatem cogere?* *Aut*

(1) Liv. Hist. Rom. L. 20. c. 57. Quod vero Livius hoc sacrum minime Romanum dixerit, videatur, qui eum egregie refellit, Clar. GRATAMA in addit. ad Orat. de fera nec multum prov. Quirit. human. Harderov. 1808.

(2) Quaest. Rom. 83. et in Marc. c. 2.

*Aut qui consuetudine ac lege ista sacrificia receperis-  
pissent, eos peccare existimantes, ipsi Sibyllinis  
libris mandantibus istud fecerunt?* Livius autem  
locum, in quem demittebantur, saxo conseptum  
fuisse dicit, quique adeo huic fini semper inserviisse  
videtur. Hoc vero sacrificii genus ad Plinii  
tempora non interruptum fuisse testantur eius verba,  
quum dicit: (1) *Boario in foro Gracum Grac-*  
*camque defossos, aut aliarum gentium, cum quibus*  
*tum res esset, etiam nostra aetas vidit. Cuius*  
*sacri precationem, qua solet praecire Quindecim-*  
*Virum Collegii magister, si quis legat, profecto*  
*vim carminum fateatur, ea omnia approbantibus*  
*octingentorum triginta annorum eventibus.* (2)

Ali-

(1) Nat. Hist. L. 28. c. 3.

(2) Quibus posterioribus verbis constat, Senatus-  
consultum, quod anno U. C. DCLVII Cn. Cornelio Len-  
tulo, C. Licinio Crasso Cosf. factum est, ne homo  
immolaretur, quae sacri prodigiosi celebratio, uti addit  
Plinius (L. 30. c. 3.), in tempus illud palam fuit factum,  
non intelligendum esse de his sacrificiis, quibus Romani  
ex libris Sibyllinis peregrinos vivos sub terram de-  
fodere solebant, neque de aliis modis hominum mactan-  
dorum, qui Romae in usu erant, sed tantum de iis,  
qui arti magicae originem debebant, qua homines occide-  
bantur, ut necati corporis partes magicis vanitatibus  
inservirent et comederentur: De magia enim loquitur  
Plinius, et paulo post ipse sic pergit: *Nec satis aesti-*  
*mari potest, quantum Romanis debeatur, qui sustulerit*  
*monstra, in quibus hominem occidere religiosissimum erat,*  
*MANDI vero etiam saluberrimum.*

Alia igitur sacrificia humana, ac quae Sibyllinorum librorum iussu fiebant, in usu fuisse patet ex Dionis Cassii (1) verbis, qui de humanis victimis, triumpho die Iulii Caesaris immolatis, agens, narrat, *duos alios viros in modo quodam sacrificii esse iugulatos*; pergit autem: *Causam quidem dicere non possum; neque enim Sibylla haec praeceperat, neque aliud quoddam in hanc sententiam oraculum exstabat. In Campo vero Martio a Pontificibus et Salio IMMOLATI SUNT.*

## §. 4.

*De Sacrificiis ex vindicta, seu de  
captivis immolandis.*

Cum Romani id sibi persuasum haberent, defunctorum animos ira ac vindictae cupidine summo opere incensos esse, quia acerba morte dulci vitae ac lucis usu orbatu erant, quod quidem iis imprimis accidisse credebant, qui clandestinis insidiis vel hostium ferro praematuram occubuerant mortem; hinc explicandum est, ipsum Augustum, Perusia capta, trecentos, ex dedititiis electos, utriusque ordinis, ad aram, Divo Iulio exstructam, Idibus Martiis hostiarum more mactasse. (2).

Quemadmodum humanis sacrificiis deorum gratiam

(1) L. 43.

(2) Suet. Vit. Aug. c. 15.

tiam et beneficia mereri sese putabant, sic iisdem quoque victimis gratum animum pro acceptis beneficiis indicabant; hinc ergo originem ducit barbarus ille mos, quo captivi, ante triumphalem currum ducti, mox in carcere strangulabantur, atque ita, ut Cicero ait, (1) *idem dies et victoribus imperii et victis vitae finem faciebat.*

Et si vero temporis progressu rariora quidem humana sacrificia fuisse videntur, quia rariora eorum exempla memoriae prodita sunt, numquam tamen neque legibus neque moribus sunt sublata: Aureliani Imp. enim tempore, adeoque saeculo tertio fere extremo post C. N., annuo sacro Iovi Latiori hominem mactare solebant (2). Ipse autem Aurelianus captos fervos Iovi vovisse traditur (3), uti quoque Heliogabalus deum Syriacum, quem inter Romanos retulerat deos, humano sanguine placare studuit (4).

## §. 5.

### *De Sacrificiis magicis seu ex superstitione.*

Quum porro ad sacrificia, quae ad magicas vanitates pertinebant, animum attendimus, quae,  
uti

(1) In Verrem Act. 2. L. 5. c. 30.

(2) LACTANT. Inst. Div. L. 1. c. 21. pr.

(3) VOPISC. in Aurel. vit.

(4) XIPHIL. in Heliog.



uti supra vidimus, iam anno U. C. DCLVII Senatus-consulto prohibita sunt, ea sequentibus annis saepius fuisse reperita inde patet, quia postea, anno U. C. DCLXXII, ad *legem Corneliam de Sicariis* relata sunt, ita ut primum aquae et ignis interdictio, deinde deportatio iusta in eos poena existimaretur, qui detestabili superstitione hominem mactassent. Tandem vero, quicumque hominem immolaverat, bestiis obiciebatur, vel, si honestior esset, capite puniebatur (1). Non autem dubitandum videtur, quin Pauli Icti aetate illud crimen aequè ad ipsos Romanos atque ad provinciales pertinuerit, praesertim cum plurimi Imperatores magicis artibus fuerint dediti, ad quas mactatorum hominum corpora necessaria habebantur (2).

## §. 6.

*De Sacrificiis ex voluptate, sive de  
gladiatoribus.*

Romanos quoque defunctorum animos placasse et Diis Manibus humana obtulisse sacrificia, evincunt munera gladiatoria. Olim nullus vir illustris, nulla femina decedebat, quin propinqui, ut eorum Manes placarent, ad mortuorum sepulcra vel hostes bello captos, vel alios feros immo-

la-

(1) PAUL. Sent. Rec. L. 5. T. 23. §. 16.

(2) HOR. Epod. 5.

laverint (1). Primi vero M. et D. Iunii Bruti, anno U. C. CCCCLXXXVIII, Ap. Claudio M. Fulvio Cosf., tristes ritus, qui antea exsequiarum pars erant, publicam populi Romani voluptatem fecerunt, et *humana Sacrificia*, in funebrem patris memoriam peragenda, in *ludos* permutarunt (2): quippe captivos vel servos, ad patris sepulcrum immolandos, coram populo inter se digladiari iussit, quo ludorum genere populus postea tantopere delectatus est, ut, teste Cicerone, (3) *nullum tempus esset frequentioris populi, quam illud gladiatorium; neque concionis ullius, neque vero ulorum comitiorum*. Num ergo mirum videri potest, huius populi principes, qui ei perverfam gratiam gratificari vellent, florentibus artibus et literis, in hos ludos tam immodice effusos fuisse, ut non raro uno die multa millia parium in arenam descenderint et ad mortem usque depugnarint? Nec nisi serioribus temporibus hi ludi abrogari potuerunt (4): Solis enim Christi institutis tribuendum est, nefarias hasce hominum immolandorum consuetudines ab usu recessisse et omnino extirpatas fuisse.

## §. 7.

(1) SERV. ad VIRG. AEN. L. 3. v. 67. L. 10. v. 516.

(2) VALER. MAX. L. 2. c. 4. §. 7. LIV. Epit. 16.

(3) PRO P. SEXTIO c. 59.

(4) EUSEB. vit. Const. 4. c. 25.

## §. 7.

*De origine nomadica sacrificiorum  
humanorum.*

An vero haecce superstitio, qualis apud Romanos fuerit, e nomadica vita originem duxerit, si quis quaerat, negandum videtur; illam vero cum pastoralis vitae ratione coniunctam esse posse, ipsa nomadicorum populorum historia probat: populos enim Italiae, uti vidimus, iam diu ante U. C. sacrificia humana Saturno ac Diti obtulisse constat, quamvis maxima parte pastoriā vitam agerent, iisque sacris superstitio anſam praeſuiſſe videtur, quae tum ubique, tum maxime apud omnes incultos populos magnam vim in hominum mentes habet, et facillime infaustos errores parit, deos humano ſanguine delectari. Hac opinione decepti etiam Palaestinae incolae filios filiasque ſuas diis immolarunt, idemque horrendum facinus poſtea Iſraëlitae, paſtoritius populus, vicinarum gentium exemplo corrupti, ſaepeius admiferunt. (1) Si vero ad Romanorum origines, quamvis obſcuras, adſcendamus, Aborigines et plurimos alios antiquae Italiae incolas, a Scythiis et Celtis originem du-

(1) DAVID Pfalm. 106. c. 37. Lib. Sapient. C. 14. c. 23.

duxisse, fatis certo constare videtur (1). Cum autem permultae Scytharum tribus nomades fuerint, quarum posteri Tartariam Maiorem etiam nunc peragant, et humana sacrificia diis obtulerint (2), de horum origine apud Romanos non est, quod diu anxie quaeramus, et ea ad vestigia vitae nomadicae Romanorum indicanda recte afferri, quis negat? Iam vero ad *poenas priscas* transeamus, quae ex priore nomadica vita cum primis Romanis in civilem societatem transierunt et diutissime remanserunt.

(1) Cf. J. N. FUNCCIUS, de origine Lat. Ling. L. 1. c. 5. §. 7.

(2) STRABO GEOGR. L. 1. p. 58. L. 11. p. 753. 778. et al. Ed. Amst. 1707.



## CAPUT QUARTUM.

### DE PRISCIS POENIS NOMADICIS.

#### §. 1.

##### *De talione et vindicta sanguinis.*

Romanos primis temporibus non solum, sed et postquam diu ad civile vitae genus transierant, suis moribus atque institutis patriis, e vita nomadica ortis, legum loco ut plurimum fuisse usos, quis quidem, nisi qui priscæ Romanæ reipublicæ omnino sit ignarus, dubitare possit? Etenim quum priscas poenas, quas inflixerant, animo perpendimus, has ex erratica vita cum ipsis stirpibus nomadicis Romam migrasse patet; quæ vero deinde a Romanorum legislatoribus constitutæ atque sancitæ fuerunt, adeo vitam pastorem sapiunt, ut Romanis nihil nisi pecora fuisse videatur, quorum dispendio delicta mulctarentur.

Quis autem mecum non in memoriam redit iuris *Talionis*, quo an ullum de nomadica vita evidentius testetur, non facile dixerim; hoc vero ius per omne Romanæ reipublicæ tempus viguisse, posteriores leges evincunt. Primo enim Legg. XII. Tabb. receptum fuit, et quamquam ibi tantummodo dicitur, *qui membrum rupsit, ni cum eo paicit, talio*

*lio esto* (1), nihilominus legem, qua ille mos nomadicus, ut similis vindicta laedentem sequatur, publico iure confirmatur, latissimo sensu interpretandam esse, ex *sanguinis vindicta* patet, quam semper in Romana republica non tantum licitam, sed expressis legibus iustam fuisse; a Iustiniano collectae et digestae testantur leges. De hac enim Paulus Ictus hoc modo suam sententiam dixit (2): *Portiones eorum fisco vindicantur, qui mortem libertorum*, SUSPECTO DECEDENTIUM NON DEFENDERUNT. *Omnes enim heredes vel eos, qui loco heredis sunt, officiose agere circa DEFUNCTI VINDICTAM CONVENIT.*

Neque haec unica lex est, qua hanc talionem inter leges receptam et a Iustiniano confirmatam patet; Papinianus enim *heredem, qui DEFUNCTI VINDICTAM INSUPER HABUIT*,<sup>1</sup> *fructus omnes restituere cogendum* existimavit (3). Semper itaque mos ille nomadicus tam iustus Romanis fuit visus, ut, si quis eum neglexisset, gravi poena dignus haberetur.

Et si autem talio ita hominum naturae est insita, ut, teste Cicerone, (4) *pictas, dolor et magnitudo animi ad expetendas domestici sanguinis poenas excitet*, nullusque barbarus populus extirerit, quin

(1) Tab. 7.

(2) L. 21. ff. de his, q. ut ind. auf.

(3) L. 17. ff. eod. Tit.

(4) De Harusp. resp. c. 20.

quin hanc sibi legem dictaret ira, tamen sanguinis vindicta in primis Arabum erraticorum propria memoratur, ita ut propinqui non solum homicidam interficere possint; sed sanguinem vindicare debeant, et inter diversas stirpes odium implacabile maneat, donec sanguine placetur (1); quapropter hanc sanguinis vindictam apud Romanos quoque e vita erratica derivandam esse, quis est, qui dubitet?

## §. 2.

*De multis, e nomadica vita oriundis.*

In prisca Romana republica omnis fere poena pecorum iactura fuit irrogata, et quia nihil praeter pecudes habebant Romani (2), quaecunque publi-

(1) Memoire sur les Tribus Arab. supr. laud. Cf. Dr. KIMMEL, Lett. écrit. dans un voyage de Moscou au Caucase, Mosc. 1812. FERGUSON Essai — Sect. 2 of rude Nations, prior the establishment of property. MICHAËL, Mos. regt D. 2. §. 131-136. bl. 384-425. D. 4. § 274-276. bl. 35-55. NIEBUHR, beschr. van Arabië, bl. 30-33. De Americanorum sanguinis vindicta et homicidii transactione vid. Charlevoix, voyage en Amériq. p. 274 et 309. In primis conferri meretur D'Arvieux, Reïs n. d. G. Emir, bl. 271. et qui ibi l.

(2) PAUL. ap. POMP. FEST. in voc. *peculatus*. PLUT. in Poplicol. fere med. CIC. fragm. de republ. L. 2.

blicum furtum *peculatus* fuit dictum, sicuti quoque pecore mulctabatur (1). Quemadmodum igitur apud priscos Germanos certo armentorum ac pecorum numero homicidium lui consueverat (2), sic ex Numae Pompilii lege noxius homicidii, non voluntarii, *candidi arietis* damno puniebatur (3). Eodem modo pellex, quae Iunonis aram tetigerat, ex eiusdem regis lege, crinibus demissis, *agnum feminam* caedere cogebatur (4); et mulier, quae intra decimum mensem iterum nupserat, *vaccam praegnantem* immolare iuebatur (5).

De

(1) SEXT. POMP. FEST. in voc. *Peculatus*, *peculor*, *peculio*, *peculiaris*. Vid. infr. P. 2. C. 6. §. 4. — Observatu quoque dignum est, adhuc Plinii tempore in tabulis Cenforilis, omnia, ex quibus pop. Romanus redditus haberet, *pascua* dici, quia, diu haec sola fuerant vectigalia. PLIN. Hist. Nat. L. 18. c. 3.

(2) TACIT. de Mor. Germ. c. 21.

(3) S. POMP. FEST. in voc. *subilici*. GRAVINA, Orig. Iur. Civ. pag. 223.

(4) S. POMP. FEST. in voc. *Pellices*. Cf. H. CANNIGLIER, in egregia disertat. ad Leg. Numae, Lugd. Bat. 1743.

(5) PLUTARCH. in Num. fere extr. Iussit praeterea Numa, qui terminum exarasit, et ipsum et boves (diis Terminalibus) sacros fore, unde statuere licet, hoc tempore omnes Romanos adhuc armenta habuisse. S. POMP. FEST. in voc. *Termino*. Quomodo vero haec lex postea mutata fuerit, vid. L. 2. §. 3. ff. de Term. mot, et PAUL. Recept. Sent. 5. 22. 3.



De quibus vero delictis non legibus cautum erat, mulcta exigebatur ex arbitrio eius, qui mulctam dicebat: Ulpianus enim (1), *poena non irrogatur*, inquit, *nisi quae quaque lege vel aliquo iure specialiter delicto imposita est, cum mulcta dicatur, ubi specialis poena non est imposita*. Uti ergo apud priscos Germanos, ut Tacitus ait (2), *levioribus delictis, pro modo poenarum, equorum pecorumque numero, convicti mulctabantur*, sic, teste Plinio (3), mulctatio apud Romanos non nisi *ovium boumque* impendio dicebatur: Nam quicumque Consulibus dicto audiens non fuerat, mulctam *duarum ovium et quinque boum* dare cogeatur (4); qui vero citatus neque respondisset, neque excusatus esset, ei *unius ovis* mulcta dicebatur (5), quae minima mulcta erat; atque hanc non iustam a magistratibus populi Romani dici visam esse, nisi, maiorum more, *oves genere virili* appellarentur, ad A. Gellii tempus in usu fuit (6). Suprema vero sive maxima mulcta apud priscos Romanos *duarum ovium et triginta boum* fuit, pro copia boum et penuria ovium (7); sed quum

eius-

(1) L. 131. ff. de V. S.

(2) De Mor. Germ. c. 12.

(3) Hist. Nat. L. 18. c. 13. L. 33. c. 3.

(4) PLUTARCH. in Poplicol. fere med.

(5) NON. MARCELL. c. 3. in voc. *oves*. VARRO Rer. Hum. L. 23.

(6) A. GELL. Noct. Att. L. XI. c. 1.

(7) Idem l. l.

eiusmodi mulcta pecoris armentique a magistratibus dicta esset, adigebantur boves ovesque, alias pretii parvi, maioris alias, eaque res faciebat inaequalem mulctae punitionem; idcirco vero postea, lege Tarpeia Ateria, anno U. C. ccc, postquam iam aliquamdiu aere signato, (1) pecoris loco, uti coeperat populus Romanus, cautum est, ut in oves singulas *aeris deni*, in boves *centeni* constituerentur. (2) Trecentos itaque annos viguit ille mos nomadicus, quo, pro pastoralis vita, quam etiam tunc agebant, delicta pecudibus luerent, et quamquam post legem Tarpeiam Ateriam mulcta pecuniaria facta fuit, tamen veteris instituti nomadici tenaces, ad Traiani et Hadriani Imp. tempus in mulcta dicenda *ovium boumque* vocabulis usi sunt, uti ipse Gellius testatur (3).

His igitur de nomadicae vitae vestigiis in *publicis* Romanorum rebus dictis, ad posteriorem libri partem transeuntes videamus, quatenam leges ac mores originem suam ad priscam nomadicam vitam referentes, in *privatis* eorum rebus superfuerint.

(1) Vid. Infr. de *Gentilit. sacris* et *Iure* §. 4.

(2) A. GELL. l. l. S. POMP. FEST. in voc. *Aestimata*, *Multa*, *Ovibus*, *Peculatus*, ibique Dacier. BRIS-SON. Sel. Antiq. L. I, c. 3.

(3) L. II. c. I.

PARS POSTERIOR.

V E S T I G I A

VITAE NOMADICAE

IN REBUS PRIVATIS

R O M A N O R U M.



C A P U T P R I M U M.

DE IURE CIVILI.

§. I.

*Romanos primo nullum ius civile habuisse.*

Romanos in civitatis primordiis omnino nullas civiles leges, sed, uti omnes nomades gentes, mores, a maioribus traditos, habuisse, quos sequerentur, ipsa quidem res indicare videtur, quandoquidem nomadicae stirpes et convenarum plebs, transfuga e suis populis, in civilem transeuntes statum, non nisi post longum tempus tantam rerum vicissitudinem subire potuerunt, ut se omnibus, ad civilem vitam tranquille et bene agenda necessariis

riis, legibus subiicerent, et diu quaeque respublica composita esse debuerat, antequam singulis iure civili fatis prospectum esset, et suum cuique legibus tribueretur; atque hinc quoque Pomponius dixit: (1) *Initio civitatis nostrae populus, sine lege certa, sine iure certo primum agere instituit*, et, ut Tacitus ait, (2) *Romulus, ut libitum, imperitavit*: Hunc enim regem non nisi paucas tulisse leges, neque ullas alias, quam quae ex ipsarum gentium institutis sponte profluerent et ad communem finem obtinendum spectarent, id est, ad publicum reipublicae statum pertinerent, fatis certo constare videtur; Numa Pompilius vero, decessore prudentior atque sagacior, ut Romanorum animos, belli rapinis adfuetos, religionibus ac divino iure devinciret et ad societatis finem sensim conformaret, pomadica sacra, aliis permultis ritibus, populi ingenio ac moribus convenientibus, aucta, solenniter confirmavit, fatis singulorum salutis providisse se putans, si cetera, quae civitas requireret, ius consuetudinarium suppleret. Accedit, quod populus, saepissime in comitia congregatus, de rebus, quae nondum definitae erant, statueret, dum in privatis rebus Romani suis avitis moribus utentes, in familiam omne absolutum imperium exercebant, quatenus publicae rei id non noceret. Si vero inter duos plu-

res-

(1) L. 2. ff. de Or. iur.

(2) Annal. L. 3. c. 2. 6.

resve diversarum stirpium lis oriretur, Patronorum intererat, has inter Clientes controversias dirimi, ad quos ergo lis delata diiudicabatur; si res minus feliciter e moribus componi posset, vel inter ipsos Patronos lis exoriretur, tum *regis manu gubernabatur* (1) et, quod rex iudicaverat, ius erat omnibus; huic igitur commissum erat, ut lites gravissimas, aliter non componendas, dirimeret, uti apud omnes nomades stirpium caput omnium litium summus habetur iudex (2).

### §. 2.

#### *De Patronorum origine nomadica.*

Hoc loco de Patronis, eorumque nomadica origine, paucis dicere non alienum videtur, cum sic facilius intellectu sit, unde iam primis inde temporibus tanta in Romana republica existerit potentia et vis, quibus in summum infimorum detrimentum brevi auctis, Clientes tam cito Patronorum praeda facti sint. Vetustissimis temporibus quum nomadicae Italiae stirpes cum suo dominio oberrarent, saepiusque ab aliis, viris ac re fortioribus, sui pecoris paucitate privarentur, pauperiores, ut sibi, suis pecorique prospicerent et magis securam vitam agerent, cum ditioribus, in quo.

(1) POMP. l. l.

(2) D'ARVIEUX, Reis n. d. g. Emir, bl. 230.

quorum vicinitate pascebant, se coniungere atque ita aliquod pactum inire cogebantur, ex quo ditiores, Patronorum munus suscipientes, pauperiores ab omni iniuria defendebant; hi vero in huius clientelae remunerationem praestituros se aliqua officia erga Patronos pollicebantur. (1) Quocunque igitur hi cum gregibus vel armentis vel ad hostem opprimendum vel ad nova quaerenda pascua proficiscebantur, pauperiores sive Clientes hos comitabantur, unde apud priscos Germanos *Comites* sunt dicti (2), et ubique eorum pecori aequae ac Patronorum adsignata prata occupabant. — Quamdiu itaque cum his, mutuis officiis coniuncti, una pascebant, manebant Clientes, id est, si forte Patroni se ab aliis provocatos, lacesitos, iniuria affectos vel vi aggressos viderent, Clientes, quorum intererat, suos Patronos salvos esse, pro viribus auxilium ferre debebant; quotiescunque vero pauperiores duriori conditione, quam par erat, uti se arbitrabantur, his relictis, aliis vicinis erraticis stirpibus se iungebant, harumque Clientes fiebant (3). Non aliter quam hodie inter Arabes pastores, quos *Bedouinos* vocant, pauperiores, ne latronum rapina

stir-

(1) IUL. CAES. hos *Ambactos* clientesque, illos *Principes* vocavit, de Bell. Gall. L. 6. c. 15. Imprimis vero conferri meretur Cap. XI., quod omnino ad hanc § spectat. Cf. TACIT. de Mor. Germ. c. 13. extr. et 15.

(2) TACIT. de Mor. Germ. c. 14 et 15.

(3) Cf. IUL. CAES. de bell. Gall. L. 6. c. 12.

fiant, certo pacto se cum aliis iungere, una pascere, tribusque sic efficere solent, dum congregatis stirpibus ditissimus vel plerumque maxime grandis natus, quem *Sheikh* dicunt, praest, cui humiliores in pascuis commutandis obediunt, quem in bello sequuntur, qui lites, inter singulos ortas, dirimit, quem vero, iniuste agentem, relinquunt atque cum aliis se coniungunt (1).

## §. 3.

*De Patronorum potestate nomadica.*

Quae cum ita sint, mirum videri non potest, Albanos Patres, Romulo duce, ad novam coloniam quaerendam profectos, Clientes, quos iam antea singuli habebant, adeoque ipsum *ius Patronatus* Romam transtulisse, quod Romulus diminueri non fuit ausus, sed ita tantum regere et in melius formare potuit, ut ne mutua illius iura atque officia novae civitati nocerent, sed ad communem salutem conducerent. En originem, ut nostra fert opinio, potestatis, iam primo tempore pauperioribus tam durae, ut hi non tantum brevi post, priorem nomadicae vitae libertatem reminiscentes, sed etiam, aucta Republica, assiduo se ab ea liberare, iugumque, quo adeo premerentur, excu-

te-

(1) Mémoire sur les Tribus Arabes, supra laud. MONTESQUIEU; Esprit des Loix. L. 18. c. 14.

tere non immerito tentarint. Romulus autem hanc quidem potestatem atque haec iura hoc modo constituisse dici potest, quamvis ante U. C. iam adessent, sicuti quoque historici saepe omnia, quae obscura sibi quoque explicatu difficilia sunt, a regia potestate orta derivare solent. Etsi non negandum videtur, cum illud ius inter nomadicas stirpes constitutum inveniret Romulus, hunc iis quoque, qui undique confluisissent, atque adeo sine Patronis Romam venissent, permisisse, ut e Patriciis, quem vellent, Patronum eligerent. (1)

#### §. 4.

##### *De effectu nomadicae potestatis Patronorum in iure civili constituendo.*

Quum autem Romulus et Numa satis singulorum iuri prospexisse sibi viderentur, si curassent, ut Patroni Clientibus instar patrum, Clientes Patronis instar filiorum essent (2); Patribus vero licitum esset omnia iuris civilis officia inter Clientes exsequi, non est, quod miremur, nullum populum unquam tam malas habuisse leges civiles, quam iam primis inde temporibus Romanos; quippe Patricii id semper agebant, ut plebem sibi subiectam tenerent, adeoque horum permagni intererat, ut civiles

le-

(1) DIEN. HAL. A. R. L. 2, c. 9.

(2) A. GELL. Noct. Att. L. 5. c. 13.



leges malae essent: etenim si bonas constituisset; plebs harum auxilium in rebus litigiosis invocare potuisset, et sic a Patriciis libera fuisset facta; quod horum auctoritatem et emolumentum magnopere minuisset; quod vero leges civiles malae essent, cives assiduo ordinis patricii indigebant, quippe qui plus ingenio valerent. Quemadmodum igitur apud Romanos, uti apud omnes nomadicas gentes, nulla pacta primo valebant aliosque obligandi vim habebant, quia in vita erratica nomades, artibus ac litteris non incumbentes, maxima parte scribere non possunt, (1) quod et tribus saeculis post. U. C., perpauci Romani potuerunt, (2) Patres, quorum in-

(1) D'ARVIEUX, Reis n. d. g. Emir bl. 75. Cf.; quae ibi narrantur in marg. TACIT. de Mor. Germ. c. 19.

(2) LIV. Hist. Rom. L. 6. c. 1. Hinc explicandus videtur mos, quo Romani scribere ac numerare ignorantes; quotannis Idibus Septembribus *clavum* in Capitolii parietes fixerint, ne anni Reipublicae Romanae interirent (LIV. Hist. Rom. L. 7. c. 3.); qualia ad memoriam alicuius rei propagandam signa olim etiam apud Hebraeos in usu fuisse constat (MOSES Lib. 1. c. 21. c. 27. 30.). Sic quoque nomadicae gentes, scribendi artis ignarae, contractus cum alia gente non ineunt, nisi quid habeant, quod sensibus obicitur, quo eorum memoria sit testator. Primi Romani quoque hanc nomadicam rationem secuti sunt, posterique glutissime servarunt: In foedere quippe aliquo, cum vicina gente ineundo, porcum adhibebant; qui saxo siliçe seriebatur et percutiebatur, dum Iovem invocabat sacerdos; ut

intererat, ut omnes nomadici usus variis additamentis aggravarentur, ne plebs se sensim eorum potestati subtraheret, cuique pacto stipulationes adiacere utile arbitrati sunt. Servius Tullius deinde, qui populi iniusu regnum auspicabatur (1), ad plebis favorem promerendum et inopes sublevandos animum adiecit, sperans fore, ut illorum ope imperium retineret; quapropter Patriciorum potentiam fregit et plebi, quantum potuit, liberam agendi potestatem reddidit (2); sed Tarquinius Superbus, qui neque populi iusu, neque auctoribus Patribus regnare coepit, contemptis patriciis, contentaque plebe, quae eum, ut Tullii interfectorem, detestabatur, omnes leges civiles, a Tullio scriptas, quae ius aequum faciebant utrique ordini, abrogavit (3), atque ita Patricii, qui paulo ante nullam fere in plebem potestatem habebant, iam omne imperium recuperarunt. Tarquinio mox expulso, Consules, qui ple-

qui dolo malo foedus violasset, sic feriretur, ut ille porcum feriebat. (Liv. Hist. Rom. L. 1. c. 24. Cf. Mos. L. 1. c. 15. c. 9. et 10.) Ex eodem nomadico more Fetiales in bello indicendo ad fines populi, quem hostem declaraverant, profecti, hastam et caduceum, duo signa belli et pacis, immittebant, ex quibus eligere poterant, hostes an amici esse vellent. (A. GELL. Noct. Att. L. 10. c. 27. AMM. MARC. L. 19. hist.)

(1) Liv. Hist. Rom. L. 1. c. 46.

(2) DION. HAL. A. R. L. 4. c. 10. sqq.

(3) Idem L. 4. c. 41.

plebi quocunque modo adulari volebant, civiles leges de contractibus a Tullio latas, humanas admodum et populares, quas omnes Tarquinius fustulerat, restituerunt et in usum revocarunt. (1) Neque ita multo post Tribuni creati plebi adversus Patres auxilio fuerunt horumque licentiam circumscribere coepere, omneque ius fere Tribunitiis agitationibus fluitare incepit, cum leges regiae exolevisent omnes, *iterumque coepit Populus Romanus incerto magis iure et consuetudine aliam quam per latam legem.* (2)

## §. 5.

*De iure XII Tabb. et stipulationibus.*

Leges deinde XII. Tabb. cuique, tam plebei quam patri, aequum ius tribuebant plenamque facultatem quocunque modo contractus ineundi, atque ita quisque ad eos implendos obligabatur, adeoque plebi occasio erat se Patribus subtrahendi, a quibus, directionis specie, admodum premebatur. Tum vero horum calliditate et artibus stipulationes inventae et contractibus adiectae sunt, quibus plebs patriciorum auxilium vel in minimis rebus invocare cogebatur, ne in stipulationes peccaret. (3) Has  
au.

(1) DION. HAL. A. R. L. 5. c. 2. Cf. LIV. Hist. Rom. L. 2.

(2) POMP. L. 2. §. 3. ff. de Orig. Iur.

(3) VINN. et HEIN. ad Inst. L. 3. Tit. 16. §. 20.

autem stipulationes non prudentiae legislatoriae, neque veri iuris, sive potius voluntatis, ius efficientis, ignorantiae adscribendas esse, uti nonnulli putant, sed potius ideo repertas fuisse et huic fini inferuisse, ut sibi plebem quodammodo subiectam tenerent Patricii, inde patet, quod eiusmodi stipulatio stricta in civium Romanorum contractibus requirebatur, ut valerent atque obligandi vim haberent, licet e contrario peregrini, qui Romae habitabant, aut rerum suarum causa eo venerant, illis formulis uti haud cogerentur. (1)

His ergo aliisque rerum mutationibus, quae temporis progressu in Romana republica locum habere, aliter fieri non potuit, quin complures nomadici usus sensim omnino in desuetudinem abiierint, de quibus adeo nihil amplius liquet; plurimas vero consuetudines, a Romanis legislatoribus in leges receptas, ad ultima Romani imperii tempora viguisse, uti de multis vidimus, sic quoque de imperio, quod *cives in suam familiam habuerunt*, nunc dicendi erit locus.

(1) PAUL. Sent. Rec. L. 2. T. 4. §. 2.

## CAPUT SECUNDUM.

### DE IURE DOMESTICO.

#### §. 1.

##### *De nomadica origine iuris domestici.*

Quemadmodum inter gentes nomadicas, quae patriarchalem vitae rationem sequuntur, stirpis caput in loco, quo cum familia et suo pectore oberrat, neminem sibi superiorem agnoscit, omnia vero iura, ad suam familiam spectantia, pro arbitrio exsequitur (1) et cuique, vi sui iuris, quod a maioribus accepit, leges dat, iniurias illatas vindicat, in crimina a singulis perpetrata, tanquam iudex privatus, poenas statuit et exercet, sacra, quae ex maiorum institutis ad familiam pertinent, tanquam sacerdos suae gentis curat ac peragit; non aliter omnia illa iura pater Romanus, postquam e nomadica vita in civilem societatem transierat, habuisse, et eius posteris diutissime, vel in Reipublicae detrimentum, retinuisse traduntur. Domi enim suae familiae princeps cuique, qui

vel

(1) ISELIN, Gesch. der Menschh. 1 D. bl. 203 enz.

vel natura vel iure suae potestati erat subiectus, pro arbitrio imperabat, ita ut, quae sibi placerent, pro legibus essent, domi in uxorem, liberos, nepotes atque servos indefinitum exercebat imperium, unde patrem familias Ulpianus (1) dixit, *qui in domo dominium habet*; sacra quoque et caeremonias, quae, a maioribus accepta, suae familiae propria erant, diligenter ipse obibat, et, ne perirent, variis modis curabat: quin immo, sicuti a nomadicarum stirpium patriarchis vel capitales poenas privatim inflictas veterum et recentiorum nomadum testatur historia, (2) non aliter a Romanis patribus in omnes, qui iis, tanquam stirpium capitibus, subiecti erant, domi ob crimina summum saepissime exercitum est supplicium; nec mirum ergo, si haec potestas, olim nullis iuris civilis legibus circumscripta, ab ipsis Romanis *maiestas patria* (3), et ipsi patres *iudices* (4) atque *magistratus domestici* (5) fuerint dicti.

## §. 2.

(1) De Verb. Sign. L. 195. ff. §. 2.

(2) ARIST. de Mor. L. 8. c. 12. et L. 10. c. 19.  
CHARLEVOIX, Histoire d'un Voyage en Amériq. p. 274.  
Mos. Deut. 21. 18. 19.

(3) LIV. Hist. Rom. L. 34. c. 2. Cf. IUST. H. R. L. 10. c. 2.

(4) SENECA. Controv. 11. p. m. 185.

(5) SENECA, L. 3. de benef. c. 11.

## §. 2.

*De iuris domestici effectibus.*

Quanti autem hoc nomadicum domesticum imperium omni tempore fecerint Romani, testis est Cicero: (1) *Quid est, inquit, sanctius, quid omni religione munitius, quam domus uniuscuiusque civium? Illic arae sunt, hic foci, hic dii penates, hic sacra, hic religiones, caeremoniae continentur. Hoc perfugium ita sanctum omnibus, ut inde abripi neminem fas sit.* Quapropter quoque domum tutissimum cuique refugium et receptaculum dixerunt, ita quidem, ut, qui olim inde in ius vocaret, vim inferre videretur, (2) in tantum, ut si quis hac aliave de causa domum suam vi introitam esse dicere posset, is, qui id commiserat, in crimen, *Lege Cornelia de iniuriis* vindicandum, incideret: (3) quod quidem posteriore tempore eatenus tantum mutatum est, ut, quamvis is, qui domi esset, interdum in ius vocari posset, tamen de domo sua

(1) Orat. pro dom. ad Pontif. c. 41.

(2) GAIUS L. 18. ff. de in ius voc.

(3) IUSTIN. §. 8. Instit. de Injur. Quam latissime autem illud ius sit sumendum, patet ex additis Iustiniani verbis: *Domum accipimus. sive in propria domo quis habitet, sive in conducta, sive gratis, sive hospitio receptus sit.* Cf. PAULUS L. 23. ff. de Injur.

sua extrahi haud posset. (1) Hanc autem a Reipublicae primordiis retentam domesticam libertatem, quae tam aperte prioris nomadicae vitae vestigia indicat, ad ultimum imperii tempus ipsae Romanae leges confirmarunt. Quod ut clarius patescat, primum iam videamus de potestate, quam in *liberos* habuit *pater*; deinde, quatenam fuerit *mariti* potestas in *uxorem*; tum de iure in *servos*; denique de *gentis sacris*, sive *iure gentilitio*.

(4) PAULI L. 21. ff. de in Ins voc. L. 103. ff. de R. I.



## CAPUT TERTIUM.

### DE PATRUM POTESTATE IN LIBEROS.

#### §. 1.

#### *De origine patriae potestatis in liberos.*

Nomades, dulcissimum mutui amoris vinculum ignorantes; quo patres in liberos, liberique in parentes, mariti in uxores, uxoresque in maritos continentur, omnia commodo, quod ex quaque re capere possunt, metiri solent; atque adeo, nisi illud obstat, pro saevo et duro arbitrio cum omnibus illis agunt, qui sibi subiecti sunt; qui vero sibi, moribus si exculi essent, tam cara amoris pignora haberentur; quid mirum ergo, si et inter Romanos familiarum principes, divina atque humana iura interdum violantes, in liberos, uxores, totamque familiam ita saevierint, ut posteriores legislatores sensim hoc nomadicum imperium in familiam legibus restringere studuerint, quod quidem Romulus circumscribere non fuerat ausus, non immerito verens, ne, si domesticam stirpium libertatem quodammodo diminuere tentasset, harum capita sibi resisterent, nec tam facile publicae libertati

valedicerent, et ita brevi ipsa Respublica, quam constituerat, dilaberetur.

## §. 2.

### *De finibus iuris patriae potestatis apud Romanos.*

Pater itaque Romanus nullis, nisi quas sibi ipse pro saevioris mitiorisve animi propensione praescripserat, legibus obstrictus, liberos suo iure tanquam servos aliasve res tractare poterat, et quibus vitam dederat, hos sibi omnia debere et nomadum more omnino ad se pertinere putabat, cum e contrario liberis nullum ius in patrem competeret: (1) infantem enim aut tollere, aut, si vellet, exponere libere poterat: quod quam frequenter quamque terribiliter fuerit factum, et quamdiu viguerit inter Romanos hic barbarus mos, locuples testis est Seneca (2), dum debiles et monstrosos liberos, si editi essent, mergebant (3); infantem autem, incertum, mas an femina esset, alto demergendum dixerunt aruspices. (4)

Ut vero de non limitata Romani patris potestate rectius iudicemus, audiamus Romanorum Historicum,

(1) SEXT. EMPISIC. Pyrrhon. Hypoth. L. 3. c. 24.  
Ed. FABRIC. p. 180.

(2) CONTROV. 5. 33.

(3) SENECA. de Ira L. 1. c. 15.

(4) LIV. Hist. Rom. L. 27. c. 27.

cum, Dionysium Halicarnasaeum (1), qui, pro opinione sui temporis, Romulum huius nomadici iuris in liberos auctorem et conditorem fuisse, dicit et hoc modo Quiritium in prolem imperium deferbit: *Romanorum legislator omnem potestatem patri in filium concessit, idque toto vitae tempore, sive cum in carcerem detrudere, sive flagris caedere, sive vinctum ablegare ad rustica opera, sive occidere vellet; etiamsi filius iam rempublicam administraret et inter summos magistratus censeretur et studii erga Rempublicam laudem sit promeritus. Ex hac lege viri illustres, concionantes in senatus invidiam fruentesque aura populari, detracti e suggesto, abducti sunt a PATRIBUS, POENAS DATURI EX IPSORUM SENTENTIA. Quos, quum per medium forum abducerentur, nullus eorum, qui aderant, poterat eripere, non Consul, non Tribunus Plebis, non ipsa turba, cui illi blandiebantur, utpote quae omnem potestatem sua minorem putaret.* (2)

Etenim leges XII Tabb. hunc barbarum morem non solum non restrinxerant, sed potius confirmabant; uti Tabulae IV. verba: *Endo liberis iustis*  
vi-

(1) A. R. L. 2. c. 27.

(2) Si vero ad priscum reipublicae statum et primos Romanos, Romuli focios, animum attendamus, satis superque patet, hanc potestatem patrum in liberos non a legislatore fuisse datam; Romanos autem, in civitatem transeuntes, e priore nomadica vita hanc retinuisse, utpote quam diminui non patiebantur. Vid. supra.

*vitalae, necis, venundandique potestas ei* (patrifamilias) *esto*: (1) non obscure demonstrant. Nec posteriore tempore exempla defunt, quibus hanc legem adhuc viguisse lucide constat: T. Manlius Torquatus enim, quum Macedones de eius filio, D. Silano, (2) qui Macedoniam provinciam obtinuerat, querelas ad Senatum detulissent, ab hoc petiit, ne quid ante de ea re statuerent, quam ipse filii causam inspexisset, atque hunc eo perculit, ut suspendio se proxima nocte consumferit; (3) nec aliter Ciceronis tempore Fulvius ordinis Senatorii vir, filium, ad Catilinae castra abeuntem, ex itinere retractum, mortis supplicio affecit (4). Multos alios silentio praetereo, quos patres, tanquam iudices domestici, aut in exilium miserunt, aut capitis damnatos interfecerunt, quippe quos omnes enarrare longum foret (5). Explicari autem alio mo-

(1) Cf. Cic. pro Dom. ad Pontif. c. 29. A. GELL. N. A. L. 5. c. 19. SIMPLIC. ad Epictet. c. 37. p. mea 199.

(6) Unde Manlii filio D. Silani nomen fuerit, docet CICERO de Finib. Bon. et Mal. L. 1. c. 7.

(3) VAL. MAX. L. 5. c. 8. §. 3. Cf. CICERO L. I. LIVII Epit. 54.

(4) SALL. Bell. Cat. c. 39. VAL. MAX. L. 5. c. 8. §. 2. DION. CASS. L. 37. p. 46.

(5) Cf. LIV. Hist. Rom. L. 2. C. 41. VAL. MAX. L. 5. c. 8. §. 2. L. 6. c. 1. §. 3 et 6. SENECA de Clem. L. 1. c. 15. QUINCT. Declam. L. 3. c. 17. PLUT.

modo ille barbarus agendi modus cum liberis haud potest, nisi ex nomadica libertate, quam cum Romani, uti omnes nomadicae gentes (1), ante U. C. haberent, neque reges neque posteriores legislatores, neque ipsi Imperatores omnino reprimere potuerunt. In suis enim domibus nunquam aliud quam privatum passi sunt imperium, neque illud, quamvis, crescente in Republica luxuria, cuiusvis generis vitiis periculosissimum, unquam legibus aboleri potuit (2), nisi quum, Romanorum libertate plane oppressa, tandem Constantinus Magnus, severa lege, hanc ab Urbis primordiis per tot saecula inveteratam potestatem plane tollere fuerit ausus (3).

## S. 3

*De liberorum venditione.*

E nomadica vita, quam ante U. C. egerunt Romani, porro derivanda quoque est *liberorum venditio*, quae omni tempore apud Romanos in usu fuit. Quemadmodum enim barbarus, ut sibi necessaria

ad

Parallel. Tom. 2. p. 308 et 311. Oros. Hist. L. 4. c. 13. extrem., et PAUL. L. 11. ff. de liber. et post.

(1) CAES. de Bell. Gall. L. 6. c. 19.

(2) L. 11. ff. de lib. et post. L. 3 et 10. C. de Patr. Pot. L. 5. ff. ad Leg. Pomp., de parric.

(3) L. Unic. C. de his, qui parent., vel lib. occiderunt.

ad vitam paret, vel alia adquirat, quae sibi iucunda videntur, liberos cum aliis cuiuscunque generis mercibus permutare solet, (1) sic quoque Romanorum pauperes e liberorum venditione victum sibi quaesivisse constat; quam quidem liberos venundandi potestatem a Romulo patribus Romanis concessam esse falso persuadere conatur Dionysius Halicarnaseus, (2) dum potius hic rex patribus concessisse videtur, ut terna liberorum venditione maiorem pecuniam quaerere liceret. (3) Numa Pompilius vero iam illam plane nomadicam consuetudinem eatenus restringere studuit, ut venditio prohiberetur, si pater filio permisisset ducere uxorem, quacum sacra et bona iuxta leges communicaret. (4) Quod autem ad ternam venditionem attinet, qua firmitus patris quam domini vinculum ostendi Icti putarunt, Romulus, nostra de sententia, hanc instituisse videtur; ut patres, ex iure nomadico liberam subolis venundandae potestatem habentes, quam diminuere non poterat, non tam facile emtores invenirent, si liberi, detecto libertatis iure, in patris potestatem reciderent, atque hoc modo prohibuisse, quominus Respublica civibus privaretur, quorum augmentum tam necessarium erat, cum specie patriae seu nomadicae

il-

(1) Cf. ISKLIN, *Gesch. der Menschh.* 3 D. 4 Hoofd. bl. 206.

(2) L. 2. c. 27.

(3) DION. HAL. l. 1.

(4) Idem.

illius potestatis in prolem augendae venditionem revera difficiliorem redderet. Quidquid est, patrium ius liberos venundandi Decemviri legibus XII Tabb. (1) non ausi sunt tollere, attamen Numae Pompilii restrictionem confirmarunt (2), et quamvis temporis progressu pro cultioribus moribus illa potestas non eiusmodi fuisse videatur, ut sibi inde pecuniam acquirerent Romani, tamen nulla lege iis fuit adempta, sicuti terna venditio in emancipatione comprobatur. Diocletianus vero et Maximianus tandem ipsum liberos vendendi ius pro moribus, luxuria et quovis vitiorum genere deperditis, coarctare reipublicae utile arbitrati sunt, ita ut horum lege liberi, a parentibus neque venditionis, neque donationis titulo, neque pignoris iure aut alio quolibet modo, neque sub praetextu ignorantiae accipientium in alios transferri possent (3). Constantinus Magnus e contrario filii vel filiae, sanguinolentorum, sive recens natorum, venditionem patribus denuo permisit, si nimia paupertate premebantur, et, ut emptor eius servitii obtinendi facultatem haberet, concessit; sed ita, ut pater, vel ipse, oblato deinde pretio, quantum venditus valere posset, vel praestito in eius locum mancipio, libertatem denuo acciperet. (4) Ad  
ul-

(1) ULPIAN. *Frâgm.* Tit. 10. §. 1.

(2) DION. HAL. l. 1.

(3) L. 1. *Cod. de Patr., qui fil. distrax.*

(4) L. 2. *C. eod. Tit.*

tima itaque Romani imperii tempora iuris illius nomadici vestigia superfuisse ex horum Imperatorum legibus satis est perspicuum. (1)

#### §. 4.

##### *De variis effectibus patriae potestatis.*

Ex eadem porro patriarchali sive nomadica consuetudine filii familias, vivis patribus, sive sua industria, sive casu, sive aliorum liberalitate olim nihil proprii habuere, (2) nihilque sibi, omnia vero patri, stirpis capiti, acquisivere, quandoquidem, nomadum more, sicuti de eorum vita atque corpore, ita etiam de bonis, quocumque modo acceptis, libere statuere poterat pater. (3) Quamquam autem postea pro moribus, magis civili vitae genere excultis, *peculia* in liberorum favorem fuerunt introducta, nihilominus omnia, sicuti in nomadica vita, post horum mortem necessario ad patrem redibant, quae quidem bona hic, non tanquam filii heres, occupabat, sed iure patriae potestatis acquirebat; (4) quod non limitatum ius succedendi in liberorum bona cuiuscunque generis vel

A-

(1) Cf. L. 10. C. de patr. pot.

(2) DION. HAL., A. R., L. 8. c. 29. extr.

(3) SEXT. EMP. Pyrrhon. Hypoth. L. 3. c. 24. p. 180. Edit. Fabr.

(4) TRYPHONINUS L. 19. §. 3. ff. de Cast. pec.



Alexandri Imperatoris tempore viguisse constat. (1) Quae autem hoc loco de liberis dicta sunt, eadem quoque de nepotibus aliisque posteris intelligenda esse quis nescit, qui nomadicae vitae haud plane ignarus est: quippe omnes, qui nomadicae stirpis capiti subiecti sunt, eius iuri sive arbitrio parere coguntur, a quo non liberantur, quamdiu illud vivit. (2) Nec minus vestigia prioris vitae nomadicae adfunt in lege XII Tabb.: nam Paterfamilias, *uti legasset super pecuniae tutelaevae suae, ita vis esto*. Hinc liberi, patris silentio exheredati; olim nullo alio modo prohibere poterant, quominus haec extrema patris mortui voluntas valeret, et efficere, ut huius bona sibi adiudicarentur, nisi patrem facti testamenti tempore mente captum demonstrassent; (3) quod quum postea cultioribus moribus improbaretur, legislatores eatenus hanc restinxerunt consuetudinem, ut liberos in testamentis non silentio praeterire neque sine iusta causa exheredare liceret, si patres suam extremam voluntatem valere vellent. (4)

## S. 5.

(1) JUL. C. 3. Cod. de bon. Proscr.

(2) MICHAËL. Mos. regt, D. 1. bl. 103.

(3) IUSTIN. Inst. L. 2. T. 18. HEIN. Ant. Rom. i. l. ad Inst. DION. HAL. A. R. l. l.

(4) IUSTIN. Nov. 115. L. 4. C. de Lib. praet. vel exhered.

## §. 5.

*De origine patris consensus, in liberorum nuptiis necessarii.*

Quum patriarcha, quamdiu vivit, stirpis suae nomadicae caput esse haud desinat, nec quisquam ex illis, qui ad familiam pertinent, illius potestatem detrectare possit, hinc explicandus est Romanorum mos, quo in liberorum nuptiis consensus patris tam necessarius habebatur, ut nuptiae, sine consensu a filiis initae, essent nullae, nec quidquam effectuum civilium haberent. (1) Hoc enim non tribuendum videtur, ne patri invito heres agnascatur (2) uti postea, huius iuris nomadici originem ignorantes, causam interposuere Icti Romani, sed potius quod pater omne ius ac imperium in filium habebat, qui ergo uxorem, quam ipse vellet, eligere non poterat; sed quae, uti inter nomadicas gentes, a patribus dari debebat, quia alioquin imperium in eius domo admitteretur, quod sibi, tanquam suae familiae per totam vitam imperanti, soli competebat, unde quoque non nisi amisso iam publica libertate illud beneficium acquisiverunt filii, ut uxores ipsis obtrudi non possent; si vero patres filios nuptias inire iniuria prohiberent,

(1) PAUL. L. 2. ff. de Rit. N.

(2) IUSTIN. Inst. de Nupt. princ.

rent, Augusto placuit hanc arbitrariam illorum potestatem lege Iulia et Papia Poppaea eatenus coartare, ut patres sui disensus rationes reddere tenerentur, et consentire ad nuptias a magistratibus cogi possent. (1) Filiarum vero conditio, uti hae apud omnes gentes nomadicas liberis masculis multo viliores habentur, (2) vel eo deterior erat, quia pater his, etiam emancipatis, virum obtrudere, sive, uti in iure dicitur, conditionem quaerere poterat; (3) adeo quidem, ut ei in re tanti momenti, unde totius vitae vel summa felicitas, vel maxima miseria originem ducat, a patris voluntate ne dissentire quidem licuerit; progressu tamen temporis Ulpianus nos docet, hoc durum imperium in filias restringere studuisse legislatores, in eo casu, si pater sponsum moribus indignum vel turpem ei elegisset. (4) Tandem vero quum patres, luxurie deperditi et quovis vitiorum genere corrupti, negligentius hac in re versarentur (5), hoc patris arbitrium legibus coercitum fuit, ut filia oblatam conditionem honeste detrectare posset. (6)

Ex eadem patriarchali potestate pater impuberibus tutorem dare (7), quin immo ei heredem

scri-

(1) MARCIAN. L. 19. ff. de Rit. N.

(2) Vid. infr. Cap. prox.

(3) L. 18. C. de Nupt.

(4) ULP. L. 12. §. 1. ff. de Spons.

(5) MARC. L. 19. ff. de Rit. N.

(6) IUSTIN. NOV. 115. C. 3. §. 11.

(7) MODEST. L. 4. ff. §. 4. de test. tut.

scribere poterat, si filius infra pubertatem moreretur; (1) dum enim pater in vivis esset, filius, ne consentiente quidem patre, testamentum validum facere poterat, (2) nec mirum, quia olim hic pro nomadica patris potestate nihil habebat, quod non ad illum, tanquam stirpis caput, pertineret.

### §. 6.

#### *De emancipationis Romanae effectibus, nomadicae vitae congruis.*

Quamquam igitur, uti apud plurimas nomadicas gentes, nulla actas a patriarchali illa potestate liberabat, quamdiu pater superstes erat, (3) sed et tota gens una habitare solebat, uti lucido Aellorum exemplum ostendit, quorum sedecim familiae, teste Valerio Maximo, (4) uno tempore unam domunculam Romae inhabitabant, exstiterunt tamen casus, tam apud nomadicas gentes, quam Romanos, quibus filii familias, vivis patribus, patres familias facti sint et separatam vitae rationem egerint: etenim etsi emancipationis forma plane e iure civili originem deducat, nihilominus eius effectus, quibus filii e patrum potestate demittebantur, e nomadi-

(1) IUSTIN. Instit. L. 2. T. 16. §. 4.

(2) Idem Instit. L. 2. T. 12. pr.

(3) De Israëlitis vid. MICHAËLIS T. 1. p. 102.

(4) L. 4. c. 4. §. 8.

dicis moribus derivandi videntur: In vita enim erratica saepe ipse nomas liberos, postquam ad virilem aetatem pervenerunt, patria sua potestate liberat, ut novarum familiarum auctores, novarum stirpium capita fiant, quod quidem eo magis erraticis gentibus est necessarium, quia hae ad pecora pascenda saepius nova prata quaerere coguntur; quod ut facilius procedat, liberi patrum iussu in alias sedes se cum ea gregis parte conferunt, quae illis tanquam paterna hereditas conceditur, et reliquam hereditatem aliis relinquunt. (1) Huc quoque referenda est species, quam de veteribus bellicosus Germanis Tacitus memoriae prodidit, (2) liberos a patribus in concilio, scuto frameaque ornatos, patria potestate exire et ita fieri cives et partes reipublicae, cum antea domus pars essent.

### §. 7.

#### *De acquirenda patria potestate.*

Mortuo deinde totius familiae capite, singuli liberi masculi, quotquot sunt, qui proximi in eius potestate fuere, (3) tum fiunt sui iuris et, uti apud reliquos nomades, novas constituunt famili-

(1) BLAKSTONE Comm. sur les Loix Angl. Tom. 2. p. 334. Cf. MONTESQ. Esprit des Loix L. 18. c. 21.

(2) De Mor. Germ. cap. 13.

(3) ULPIAN. L. 5. ff. de His, qui sunt sui iur.

has, in quas pro sua quisque maiestate atque iure omne illud exercet imperium, quod ipse patriarcha, dum vivebat, in stirpem habuit, et ipsi tum quoque patrum familiarum nomen accipiunt, licet aetate minores sint, cum illud sit honoris nomen, eiusque effectus non ad aetatem, sed ad id tempus referantur, quo quis suae familiae caput fit; unde pupillus etiam paterfamilias vocatus fuit. (1) Nepotes vero, qui, quamdiu avus sive familiae caput vivebat, huius imperio parebant, avo mortuo, in patris potestatem, propriam iam constituentis familiam, recidunt; si vero pater ante avi mortem iam emancipatus esset, adeoque propriam familiam haberet, omnes nepotes ex eodem nomadici iuris tenore, avo mortuo, patres familias fiebant, quoniam patris potestas antea iam erat soluta, cum in avi potestate proximi fuissent.

Ex his itaque, quae de patria potestate apud Romanos diximus, prioris nomadicae vitae vestigia usque ad ultima imperii Romani tempora haud obscure patent, quamvis illa potestas, antea non limitata, postea multis civilibus legibus, pro civium moribus et Reipublicae conditione, sensim coercita fuerit.

Iam transeamus ad alteram iuris domestici partem et videamus, quomodo mariti singulis temporibus uxores tractaverint, ut hinc quoque haud dubia erratae vitae signa indicemus.

(1) ULPIAN. L. 195. ff. §. 2. de Verb. Sign.

## CAPUT QUARTUM.

### DE MARITORUM POTESTATE IN UXORES.

#### §. I.

*De humanitatis gentium gradu ex uxorum  
conditione conspicuae.*

Sequiores sexum negligere et contemnere unum ex certis barbariei gentium indiciis esse, ubicunque haec inveniatur, recte observarunt Robertsonius aliique. (1) Hoc enim effatum tam verum est, ut, quum oculos in diversas feras gentes vertimus, non immerito pro modo aerumnarum, quibus feminae premuntur, culturae gradum cuiusque populi tuto statuere liceat. Quippe aliter fieri nequit, quin homo, quo cultioribus est moribus, eo humanius ac benignius omnes tractet, quibuscum versatur, et qui, sibi subiecti, suo imperio parent. Quid mirum ergo cuiquam videri potest, si status feminarum, quae tantum in virorum animos valent, quas-

(1) Histoire de l'Amérique, T. I. p. 136. KANTELAAR, over den invloed der verlichting op het lot der vrouwen.

quasque tam variis ac insignibus hunc in finem Deus benignissime donavit dotibus, quibus pelli-  
citur, tenemur, vincimur ad iis indulgendum,  
quin immo morem gerendum, verae humanitatis  
modum semper apud quamcunque gentem consti-  
tuat, ita ut, quo cultior haec, eo honestior  
ac liberalior feminarum conditio sit. Quam felix  
autem ex mutua illa indulgentia, quae ex iam ex-  
cultis moribus originem deducens vel cultiori-  
bus ansam praebet, vinculum oriatur, non facile  
dixerim.

## §. 2.

### *De uxorum conditione apud nomadicas gentes.*

Barbarus vero, qui nullo uxoris amore tenetur,  
nisi ut urgentis naturae necessitatibus satisfaciatur,  
vel se sui laboris parte liberet, in sua stirpe nemi-  
nem sibi similem agnoscit; sed, utpote suo iure  
fortior, omnem etiam in uxorem sibi arrogat po-  
testatem, durumque pro saevo animo in eam exer-  
cet imperium, quapropter eam, pro barbaris suis  
moribus contemnens, vel pecudis vel servae in mo-  
dum tractat, et si forte minus eius voluntati pa-  
reat, verberare, immo, quum immoderatis animi  
affectibus abripitur, interficere solet, quia eius ar-  
bitrium pro iure, eiusque voluntas pro lege valet,  
aut, quum emolumentum inde capere potest, eam  
aliis



aliis ad aliquod tempus concedit, aut venundat. (1)

Simulac vero, deposita illa priore crudelitate et immanitate in feminam, ad cultius vitae genus adscendit cultioresque mores induit, tum demum suae vitae felicitatem ab ea augeri sentiens, facile arctiore amoris vinculo teneri se patitur, sibi que tunc dulcem vitae sociam animo fingens, eiusmodi uxorem acquirere studet, quam iis animi dotibus praeditam videt, quibus illa sibi semper placeat, et quaecumque ipse dulcissimos tenerrimi mutui amoris fructus per omnem vitam partiri potest, et sic sibi felicitatem parat, cuius antea pro incultioribus moribus plane erat nescius.

### § 3.

#### *De dura uxorum conditione apud Romanos.*

Quum iam, his bene animo perpenſis, oculos in Romanos vertimus, illos, non tantum primis Reipublicae temporibus, barbarorum cum uxoribus agendi rationem nondum deposuisse, sed etiam diutissime nomadico more eas tractasse haud facile quisquam neget; siue enim uxorem, quae *confarreatione*, aut *coëuntione* in mariti manum convenisset, siue  
*usu*

(1) ISELIN, Geschied. der Menschh. b. 3. Hoofd. 4. et qui hoc loco laud. Vid. infra C. 4. §. 5.

*usu capta* esset, consideremus, (1) semper in hac triplici uxorum ducendarum ratione, Romanos nomadi-

(1) Omnes hi nuptiarum ineundarum modi vitam nomadicam quidem quodammodo sapiunt; ex his vero, qui *usu* fiebat, omnium vetustissimus et plane nomadicus videtur, quippe ad quem nullae solennitates requirebantur, quodque matrimonium, uti plerumque inter barbaras gentes locum habet, solo consensu mutuaque voluntate contrahebatur. Etenim illud discrimen, quo uxores, quae, toto anno vertente, trinocitii absentia interposita, cum viro adsueviscent, non usu captae neque in manu et mancipio viri essent, sine dubio posterioris fuit temporis, quamvis de hoc nihil certi constet. *Confarreatio*, quam ab urbis primordiis iam institutam legimus, (\*) propter farris usum iam rusticationem quamdam indicat; *Coemptio* vero, qua maritus et uxor se invicem emebant, quamvis temporis progressu imaginariis tantum perageretur venditionibus, antiquissimo tempore iam in usu fuisse videtur; non vero eodem, quo postea celebrata est, modo: *Coemere* enim proprie non significat *invicem pecunia emere*; sed *invicem tollere, auferre*. Quippe, teste Pomponio Festo, (†) *EMERE, quod nunc est mercari, antiqui accipiebant pro SUMERE*, uti hoc quoque non obscure patet e compositis *sumere, demere, perimere*, id est, *penitus tollere* (§), quia *per* significationem auget; adeoque *coemptio* olim simplicissimum nuptias ineundi modum et vitae nomadicae plane congruum referebat; cum vero, postquam numi in usu fuerunt, *emere pecunia* in permutandi locum successisset

(\*) DION. HAL. A. R. L. 2. c. 25.

(†) De Verb. Sign. in voc. *emere*.

(§) Cf. CICERO TUSCUL. QUAEQ., L. 1. c. 37.

dicas imitatos fuisse consuetudines, haud obscure constat, quandoquidem uxor semper ad mariti domum pertineret, in eius potestatem veniret, et ab eius arbitrio penderet, ac si filia familias fuisset. (1)

Quemadmodum nomadicarum stirpium capita ius vitae et necis in uxores exercent (2), ita etiam Romanis maritis in eas summum ius fuit. Ne vero hoc vitae necisque imperio abuterentur et, pro barbaris moribus, nimis in uxores saevirent, Romulus, si Dionysio Halicarnaseo credamus, iam hanc nomadicam libertatem quodammodo restringere studuit, ita ut *laesus maritus quidem in uxoris crimina inquireret, eique reae mortis poenam infligeret, sed adhibitis in consilium propinquis; de*

ce-

set (\*), et propria huius verbi significatio esset mutata, ut strictiore sensu sumeretur, quid mirum, si Romani hanc significationis mutationem etiam ad omnia transtulerint, quae ante *emendo*, id est, *sumendo* perficiebantur, et inde imaginariam venditionem in nuptiis contrahendis in usum venisse statuamus.

(1) Romanos, et in civitatem congregatos, et antea errabundos, una uxore contentos vixisse, consuetudini, seu moribus tribuendum videtur, nec tam plane a vita nomadica alienum est, quin et olim et hodie exempla nomadicarum gentium hunc usum confirmant. Tac. de Mor. Germ. c. 18. D'ARVIEUX, Reis. n. d. g. Emir bl. 234.

(2) IUL. CAES. de Bell. Gall. L. 6. c. 19.

(\*) PAUL L. 1. ff. de Contr. emt.

*ceteris vero poenae magnitudinis arbiter esset maritus.* (1)

Si vero Romulus hoc domesticum iudicium in uxores re vera coërcuit, ut neque saevitia neque vi cum his sui cives agerent, uti non obscure ex Livio (2) patet, non sine summa politica ratione in publicam civitatis salutem id constituisse videtur. Pater enim naturali amore, quo in liberos ducitur, ipsam naturam vincat, amorem illum, penitus insitum, ex animo eiiciat, denique patrem esse sese obliviscatur oportet, si incensus animum inducere possit, ut in filii vitia atque peccata feveris animadvertat summumque illud ius vitae et necis exerceat; vinculum vero, quod inter maritum et uxorem intercedit, non illo naturali nititur amore, sed, nisi maioris felicitatis sensus atque adeo politior humanitas uxoris dotes animi corporis facultatibus et caducae eius pulchritudini antepondere illum docuerit, perquam incertum ac fragile est; cum autem de priscis Romanis suspicari non liceat, illos ad eam animi culturam iam adscendisse, prudenter legislator marito, ne, solo odio in uxorem ductus, in eam saeviret, cognatos iudices adiunxisse ab antiquis historicis traditur, quod tamen, cum mariti poenae arbitri manerent, Romanorum barbarorum saevitiam non multum mi-

(1) DION. HAL. A. R. L. 2. c. 25. PLIN. Hist. Nat. L. 14. c. 13. Cf. TAC. de Mor. Germ. c. 19.

(2) Hist. Rom. L. 1. c. 8.

mitigavit, ut e posterioris temporis exemplis abunde constat.

#### §. 4.

##### *De privata in uxores animadversione.*

Ut ergo nonnulla exempla privati iudicii, quod in Romana republica, exactis regibus et deinceps, locum habuit, consideremus, quid quidem magis severum esse potest, quam quod a Plinio (1) notatum legimus, Egnatii Mecenii uxorem, quod vinum bibisset e dolio, *interfectam* fuisse a marito. Fabius Pictor in Annalibus quoque matronam, quod loculos, in quibus erant vinariae cellae claves, refingnasset, *a suis inedia mori* coactam memoriae prodidit. (2) Quam vividis autem coloribus M. Porcius Cato priscorum Romanorum saevos mores in feminas pingit apud Livium, *quos ius et maiestatem* viri vocat. (3)

Illud vero nomadicum mariti imperium in uxores anno U. C. DLXVII nullo modo restrictum vel definitum fuisse e Livio patet; hic enim de feminis, quae facinorosis Bacchanalibus et nocturnis sacris initiatae erant: *Mulieres*, inquit, *damnatas cognatis*

(1) Hist. Nat. L. 14. c. 14. item VAL. MAX. L. 6. c. 3. §. 9.

(2) PLIN. Hist. Nat. l. 1.

(3) Hist. Rom. L. 34. c. 2. sqq.

*tis aut in quorum manu essent, tradebant, ut ipsæ in privato animadverterent in eas. (1)*

Huc quoque referri meretur mos ille nomadicus, ex quo proximi propinqui de subita morte capitis stirpis inquirunt, cuius unicum tantum exemplum apud Romanos Valerius Maximus (2) nobis servavit, quo, maritis mortuis, soli propinqui summum iudicium in horum uxores exercuerunt. Publicia enim, quod Postumium Albinum, et Licinia, quod Claudium, maritos suos, veneno necaverant, propinquorum decreto strangulatae sunt; addit autem Valerius: *Non enim putaverunt severissimi viri in tam evidenti scelere, longum publicae quaestionis tempus expectandum.* Unde hoc quoque patet, feminarum delicta illo tempore, id est, anno U. C. DC, aliquando etiam iam publicae quaestionis fuisse, quamvis et illi, qui stirpem repraesentabant, si vellent, non aliter ac in familia nomadica iudicia capitalia exercerent, quorum ad Neronis tempora vestigia supersunt. Eo enim tempore Plautus, coram propinquis, de uxoris suae Pomponiae Graecinae, *superstitionis externae reae*, capite et fama *prisco instituto* cognovisse eamque infontem nutritiasse legitur. (3) Cesabat quoque nonnunquam hoc propinquorum consilium, quod de feminarum de-

(1) Hist. Rom. L. 39. c. 18. VAL. MAXIM. L. 6. c. 3. §. 7.

(2) L. 6. c. 3. §. 8.

(3) Tac. Ann. L. 13. c. 32.

delictis inquirebat, quum, uti videtur, marito vindicta opus esset: Cato enim (1) *si*, inquit, *maritus uxorem in adulterio deprehendisset, sine iudicio, impune eam necare marito licebat.* Addit praeterea, quae e contrario ne minimam quidem potestatem uxoris in maritum indicant et, maritale nomadicum imperium etiam hoc tempore locum habuisse, clare demonstrant: *illa te, si adulterares, digito non auderet contingere, neque ius est.*

## S. 5.

*De locatione ac venditione uxorum:*

. Ex eodem nomadico dominii iure, quo australis Americae et septentrionalis Norvegiae nomades (2) pro incultis moribus illam sequuntur consuetudinem, ut uxores instar suorum canum et tarandorum ad tempus certo pretio alteri locent venundentque; Romani de uxorum pudicitia libere constituentes e veteri nomadico more ad tempus eas quoque loca-

(1) De dote, ap. A. GELL. Noct. Att. L. 10. c. 23. Cf. ULP. L. 3. §. 3. ff. de Sct. SILAN. Id. L. 2. §. 8. ad L. JUL. de Adult. L. 4. C. ad L. JUL. de Adult.

(2) FORSTER, Waarnemingen enz. bl. 410. 461. 523. H. EGEDE, Beschry. van Oud Groenl. bl. 118. W. TENCH, beschryfving van den togt naar Bötany-baal bl. 103. MEINERS, Geschichte des weibl. Geschlechts i Th. S. 16. u. f. w. ARCHENHOLTZ; sur l'Angleterre Tom. 2. c. 1. STRABO, Geogr. L. 11. p. 515.

caverunt, (1) deinde ad se receperunt et vendiderunt. Cum vero Romanam historiam consulentes, haec quidem tantum de eiusmodi civibus narrata legamus, qui ceteris in Republica rerum gestarum magnitudine et gloria excelluere, adeoque digni habiti sunt, quorum facinora, tam publica quam privata, ab oblivione vindicarentur, quid de plebis facce aliisque pauperioribus civibus in ea re cogitandum sit, quis non perspicit? M. Cato Uticensis enim, ille Stoicae disciplinae gravis sectator, *rigidi servator honesti*, (2) Martiam uxorem, gravidam, Hortensio amico, viro magnae existimationis et moribus probatis, concessit, cum sibi iam satis liberorum esset, eamque post Hortensii mortem iterum ad se recepit. (3) Vixit autem Cato extremo septimo saeculo et incunte octavo. (4) Quod vero omnino barbarorum morem evincit, et uxorum mutationem apud Romanos haud multum ab animalium venditione diversam fuisse edocet, quae quidem dominus mutat, si sibi videtur, alterique accipiendi conditio placet, de ipsius uxoris Marciae consensu ad has nuptias nulla quaestio inter con-

(1) Manserunt quoque inde per omne tempus nomadicae locutiones, *locare, collocare et elocare filiam virginem*.

(2) LUCAN. Pharf. L. 2. v. 389.

(3) PLUT. in Cat. min. c. 8.

(4) STRABO praeterea, Geograph, Ant. L. 11. p. 115., notat, Catonem in uxore collocanda *veterem Romanorum consuetudinem* fuisse secutum.



contrahentes fuit; Caesar autem maxime avaritiam Catoni exprobravit, quippe qui hoc coniugii commercio sibi quaestum parasset. (1)

Nonne vero in maiorem abripimur admirationem, quando, Romana Republica ad cultiorum morum fastigium quasi evecta, Tiberium Neronem Liviam uxorem, eamque gravidam, Augusto cedissee legimus? (2) Liviae autem consensum ad hanc traditionem etiam non necessarium fuisse, ex Dionis Casii (3) verbis constat, qui dicit: *Elocavit ipse maritus uxorem tanquam filiam*, ad cuius nuptias consensus nubentis nomadico more non requirebatur. Quis ergo, haec uxorum commercia secum reputans, dubitare possit; quin Romani e vita prisca nomadica etiam multas consuetudines in societate civili retinuerint, quas, quamvis barbaras et e priore nomadica vita repetendas, neque reges neque posterioris temporis legislatores mutare potuerunt nec voluerunt; uxoresque adeo, stante Republica; plane in mariti dominio fuisse, et a nonnullis haud multum aliter quam servas fuisse tractatas, quibuscum pro arbitrio agere possent, fatis ex allatis exemplis patere quis non videt?

§. 6.

(1) PLUT. in Cat. min. c. 22.

(2) TAC. Ann. L. 1. c. 10. SUET. in vit. AUG. c. 63. in vit. Claud. c. 1.

(3) L. 48. p. 383.

## §. 6.

*De variis maritalis potestatis effectibus.*

Huius itaque maritalis dominii multi quoque fuere effectus, ex quibus plurimi in ipsas Romanorum leges postea transierunt, quosque hic loci breviter enumerare operae pretium quidem videtur, quia e patriarchali sive nomadicae vitae ratione originem non dubiam ducunt. Simulac, nuptiarum ritibus peractis (1), uxor in mariti domum transierat, huius familiae pars fiebat, et omnia illa iura, quae patri pro moribus suis nomadicis in liberos competebant, marito in uxorem concedebantur. (2) Hinc ei nihil proprium fuisse patet, cum omnium, quas secum adferret, rerum dominium in maritum transduceret; (3) hinc porro neque donare neque testamentum facere olim potuit; non vero, quia testamenta in comitiis calatis tum fiebant, a quibus feminae arcebantur, quae quidem proxima causa, uti Ictis placet, non fuisse videtur; sed quia nihil habebant, de quo testamentum condere poterant. Quidquid enim uxor adquirebat,

non

(1) V. infra c. 7.

(2) DION. HAL. A. R. L. 2. c. 25. MODEST. L. 1. ff. de R. N. Cf. BRISSON. AUL. 1. 18. LIV. Hist. Rom. L. 34. c. 2. sq.

(3) Coll. legg. Mosaic. et Rom. Tit. 16. ibique comment.

non sibi, sed marito, tanquam patri, competebat; (1) hinc tandem maritus uxori succedere non poterat, (2) utpote quae olim nihil proprii habebat, quoniam cum omnibus suis bonis in mariti dominium transierat; sed uxor, cum moreretur, fiebat sua et necessaria mariti heres (3), cum inter reliquos liberos mater vel noverca sororis loco haberetur, (4) ita ut filia familias, quae in mariti manum convenisset, quasi adoptaretur, et, si ante nuptias emancipata fuisset, quasi arrogaretur, quam ob causam maritus uxori, non aliter, quam pater filiae, in testamento tutores quoque constituere potuit. (5)

## §. 7.

*De viduarum luctu.*

Quemadmodum omnes, qui nomadicae stirpis capiti subiecti sunt, Patriarcham mortuum ob debitam reverentiam lugere solent, (6) Romanos quoque hanc consuetudinem a prisca nomadica vita transtulisse, eamque a Romulo posterioribusque legis-

(1) CIC. in Top. c. 3 et 4.

(2) HEIN. Ant. Rom. L. 2. T. 9. §. 4.

(3) A. GELL. Noct. Att. L. 18. c. 6. ULP. Fragm. T. 9. §. 1. T. 11. §. 13. T. 22. §. 14.

(4) Coll. Legg. Mos. et Rom. Tit. 16. §. 2. SERV. ad VIRG. Aen. L. 11. v. 476.

(5) CUIAC. Obs. 7. 1. HEIN. ad leg. IUL. 11. 11.

(6) D'ARVIEUX, reis n. d. g. Emir bl. 371.

gislatoribus confirmatam esse, mirum videri haud potest; hic enim rex sanxit, ut uxores annum, sive decem menses, maritos mortuos lugere tenerentur; mariti uxores non item, quia nulla reverentia iis a maritis debebatur, (1) sed hac, uti supra vidimus, plane ad maritorum dominium pertinebant; unde quoque Seneca: (2) *Viris, inquit, nullum legitimum tempus est lugendi, quia nullum honestum.* Fuisse ICTOS quis ignorat, qui hoc lugendi tempus ideo a Romulo institutum interpretarentur, ne sanguinis turbatio inter primarum et secundarum nuptiarum liberos oriretur? (3) Quum vero consideramus, uxores viduas factas, quae olim intra statutum maritos lugendi tempus ad secundas transissent nuptias, ex Numae Pompilii lege, (4) bovem foetam immolare fuisse coactas, (quae pro eo tempore gravissima poena non obscure pastoralis vitae vestigia indicat,) eas alteras nuptias contrahere potuisse, adeoque hanc poenam irrogatam non ad sanguinis turbationem, sed ad violatum honorem,

ma-

(1) Ov. Fast. L. 1. v. 33 L. 3. v. 123. Cf. PAUL. L. 9. ff. de his, qui inf. not. Alium autem nomadicum usum, quo mulieres, vel etiam nunc apud plurimas barbaras gentes, maritis mortuis, genas raderent vultumque dilaniarent, prohibuere postea Legg. XII Tab. Tab. X.

(2) Epist. 63.

(3) BYNKERSH. Observ. L. 5. c. 12. RAEVARD in Var. 1. 20. Cf. PUTTMANN Interpr. Iur. civil. c. 33.

(4) PLUTARCH. in Num. c. 18.

marito debitum, spectasse ultro cuique patet. Negari quidem haud potest, temporis progressu ob civiles rationes haec duo fuisse coniuncta (1); veruntamen ad secundas transire nuptias et luctum mortuo exhibere marito multum inter se differabant: etenim, si metusurbationis sanguinis hanc legem dictasset, illa certe cessasset, simulac vidua, ex priore marito gravis, peperisset, aut, id quod intra paucos menses post mariti mortem dubium esse haud poterat, hanc non praegnantem esse parvisset, cum e contrario, quamvis hoc lucide constaret, tamen secundas inire nuptias prohiberetur. Hinc quoque mulier, accepto de morte absentis mariti nuntio, licet diu iam absuisset, annum, five, uti postea constitutum fuit, duodecim menses expectare maritoque *luctus religionem praestare* debebat, antequam, uti Iustinianus iussit, legitimas nuptias contrahere posset. (2) Quapropter ille mos rectius e nomadica vita et patriarchali maritorum potestate in uxores explicari potest, cuius violationem postea, cum, pro tempore et divitiis, bos foeta non sufficeret ad viduarum libidinem compescendam, infamia aliisque poenis coercuerunt (3), nisi ab Imperatore veniam impetrasset mulier. (4)

§. 8.

(1) ULPIAN. L. 11. ff. §. 2. sqq. de his, qui inf. not.

(2) Novell. 117. c. 11.

(3) IULIAN. L. 1. ff. de his, qui inf. not. L. 1 et 2. C. de sec. Nupt. L. 4. C. ad. Ser. TERTULL. Novell. 220.

(4) PAUL. L. 10. ff. de his, qui inf. not.

## §. 8.

*De perpetua feminarum tutela.*

E iure, quod Patriarcha in omnes exercet, qui suae stirpi subiecti sunt, oritur nomadica consuetudo, quae quamvis non quidem ad solas uxores ac filias, sed ad quascunque feminas spectet, hoc loco commode tamen observanda videtur, qua feminarum conditio apud Romanos plane nulla fuerit, quia per totam vitam in perpetua tutela vivebant (1), ita ut merito dixerit, quisquis ille consolationis scriptor fuerit, quae inter Ciceronis opera refertur (2): *Sed magna certe vel hoc uno nomine feminarum miseria est, quod, quamdiu vivunt, parera semper coguntur. Aut enim innuptae parentibus et affinibus, aut nuptae maritis PARENT et SERVIUNT.* Nam cum iure nomadico liberi masculi in mortui patris iura succedant, novasque constituent familias, sorores, quia apud nomadicas gentes feminae nunquam stirpium capita fieri possunt, id quod ad viros solos pertinet, e patris potestate in fratrum recidunt, et in ea manent, donec matrimonio petantur. Non aliter quoque apud Romanos, ex eodem iuris nomadici tenore, semper *patrum, cognatorum*, vel, si haberent, *maritorum* potesta-

ti

(1) Liv. Hist. Rom. L. 34, c. 2.

(2) Tom. 7, P. 1148. Edit. EBN.

ti obnoxiae fuerunt feminae, adeo quidem, ut ne privatas quidem res olim valide sine auctore agere possent; (1) sed suis negotiis valorem conciliare obligarentur consilio et consensu eius, sub cuius tutela vivebant, donec, imperante Augusto, hoc sine auctoritate tutorum suas res agendi beneficium nonnullis fuerit concessum (2), atque ita sensim ac leniter *muliebriq; tutela* obsoleverit, quamvis eius vestigia adhuc Antoninorum, Alexandri Severi et Constantini, quin etiam Leonis Primi tempore (3) inveniantur obvia, adeoque circiter quinquaginta annos ante Iustinianum Imperatorem.

Iam vero, si hoc perpetuum in foeminas dominium consideramus, facile explicari potest, cur hae, tam veteri quam novo iure, ab omnibus civilibus ac publicis arcerentur officiis (4), tum quia, ut ait

Co-

(1) LIV. Hist. Rom. l. l. ULP. Fragm. Tit. 2. §. 25 et 29.

(2) DIO CASS. L. 49. p. 414. Id. L. 55. p. 549. ULP. Fragm. Tit. 11. §. 1. ibique SCHULT. Cf. CICER. pro Muraen. c. 12.

(3) OTTO de perp. fem. tut. dist. §. 5. sqq. HEIN. Ant. Rom. L. 1. Tit. 13. §. 24.

(4) Etenim feminas iure novo ad obstetricis munus fuisse admittas, si quis obiciat, hoc ideo his concessum cogitet, quia in curandis corporis partibus occupatae erant, quas verecundia facillius feminis quam viris medicis detegere permittit. Cf. L. 9. ff. ad L. AQUIL. Item ULP. L. 2. ff. de R. I. Id. L. 3. §. 3. ff. de

Columella (1), *earum opera ad domesticam erat comparata diligentiam*, tum vero, quia solum stirpis caput haec munera obibat, in cuius potestate ac dominio feminae erant.

Mun. et Honor. Cf. PAUL. L. 12. §. 2. ff. de Iud. ULPIAN. L. 1. §. 5. ff. de Post. L. 21. Cod. de Proc.

(1) De Re Rust. Praef. L. 12.





## CAPUT QUINTUM.

### DE POTESTATE DOMINORUM IN SERVOS.

#### §. I.

##### *De origine servorum apud Nomadas.*

**S**ervitutem a vita pastorali nomadica non alienam esse et vetustissimorum populorum historia satis probat, (1) et ipsum vitae genus aperte indicat. Ferum enim animal captum et mansuefactum hominem, qui, barbara vita relictā, rei studebat pecuariae, alebat eique fructuosum erat, et ipsum quoque hostem captum, non occidendum, sed servandum inque suum usum adhibendum docebat, quippe cuius manus in re pectaria maxinae utilitatis esse poterant. (2) Praesertim vero maius servorum perspicitur commodum, quum nomadicae gentes iam ad agriculturionem quodammodo transierunt. Patriarcha enim omnia arripit, ut e solo, in cuius vicinia oberrat, maius emolumentum capiat, quod mul-

(1) TAC. de Mor. Germ. c. 20. MOSES L. 3. c. 25. c. 44. sq.

(2) F. A. CARUS, Ideen zur Geschichte der Menschh.

multis laboris focis cum facilius procedat, nullam occasionem augendae familiae praetermittat, necesse est.

## §. 2.

*De statu servorum apud Romanos.*

Romanos itaque nomades, Romulo duce, in civile vitae genus transeuntes, iam servis usos fuisse admodum verisimile videtur, quamvis nulla de iis ab antiquissimis historicis mentio facta sit. Etenim quum consideramus, iam statim, aperto a Romulo asylo, multos servos e vicinis gentibus Romam confugisse (1); sane mirum esse haud potest, ipsis Romanis etiam hoc hominum genus fuisse. Illos autem initio non tam dura vitae conditione, quam posteriore tempore, usos fuisse, ex primis rebus, quas de iis memoriae proditas legimus, liquido constat. Nam, ut silentio praetercam, Servium Tullium, e serva natum, ipsumque teneris annis servum, in regis Tarquinii Prisci aula educatum, non tam abiectae conditionis habitum fuisse, quin, regia filia ducta uxore, ad Romae regnum adspiraret ipsumque occuparet, (2) olim omnes servi *familia* dicti sunt, hosque, quamvis patriarchali iure in eos quoquo modo pro arbitrio animadvertere poscent, hu-

(1) Liv. Hist. Rom. L. 1. c. 8.

(2) Idem L. 1. c. 39 et 47.

humanius tamen tractaverunt, quam posteriores, divitiis aucti luxuriaque corrupti Quirites, de quibus Iuvenalis, in sui temporis vitia invectus, hoc memorabile nobis servavit, uxorem, quae antea a priscis Romanis ipsa tractabatur instar servae, nunc vero marito imperabat, commemorans: (1)

Pone crucem servo. — Meruit quo crimine servus Supplicium? Quis testis adest? Quis detulit? Audi. Nulla unquam de morte hominis cunctatio longa est. — Demens; ita servus homo est? Nil fecerit, esto; Hoc volo, sic iubeo, sit pro ratione voluntas.

Quam aliter vero Seneca (2) de priscis Romanis nondum cuiusvis generis vitiis deperditis, *omnem*, inquit, *invidiam maiores nostri dominis, omnem contumeliam servis detraxerunt. Dominum patrem familiae appellaverunt, servos familiares. Instituerunt diem festum, quo non solum cum servis domini vescerentur, sed quo utique honores illis in domo gerere, ius dicere permiserunt et domum puellam rempublicam esse iudicaverunt.*

## S. 3.

(1) IUVEN. SAT. 6. v. 219. sqq. Cf. PLUT. in Coriol. c. 17.

(2) Epist. 47.

## §. 3.

*De diminuta nomadica potestate in servos.*

Dominorum igitur potestatem in servos apud Romanos e vita prisca nomadica derivandam esse, factis perspicuum est; exstant enim nullae leges, quibus eiusmodi imperium in servos Romanis postea concessum fuit. Moribus autem hoc consentaneum fuisse inde patet, quia nullus legislator illud ius, quo de servis, tanquam de re, libere statuere possent, quamvis saepius in hoc hominum genere vexando et cruciando humanitatis leges violarent, ullo modo coercuerit, aut circumscripserit; quod quidem mirum videri haud cuiquam potest, cum id ad domesticum patris Romani imperium pertineret; in quo non nisi fero ullam circumscriptionem atque moderationem passi sunt: (1) tum enim, quum Romani libertatem, antea tanti aestimatam, plane amisissent, multa in favorem servorum, diu vexatorum, introducta sunt ab iis Imperatoribus, quibus illa saevitia perditorum hominum displicebat, quamquam ipsa servitus nunquam sublata fuerit.

(1) SENEC. de Ira. L. 3. c. 40.

## CAPUT SEXTUM.

### DE GENTILITIIS SACRIS ET IURE.

#### §. 1.

##### *De gentilitiorum sacrorum origine nomadica.*

Omnes nomadicae gentes suos habent deos atque sua sacra, quae vel soli suae stirpi propria sunt, vel quae cum compluribus aliis communia habent, sive ipsi ea sibi praescripserint, seu a maioribus traditos deos solenniter colere eorumque sacra obire pergant (1). His autem cuiusque stirpis caput cum semper praefit, dum tota eius familia iis adesse debet, non immerito suae gentis sacrorum sacerdos dicitur (2). Non aliter singularum familiarum sacra, quae Romani e nomadica vita, in civilem trans-euntes societatem, habuerunt, orta sunt (3) et cuique familiae in illa civitate tam propria manserunt, ut posteriore quidem tempore neque ab iis separari, neque a legislatoribus abrogari potuerint (4). Quis

c-

(1) V. supra *Sacra publ.* §. 1.

(2) Cf. TAC. de Mor. Germ. c. 10.

(3) CIC. pro domo c. 6. Festus in voc. *publica sacra*.

(4) CIC. de Leg. L. 2. c. 9. extr.

enim non in memoriam redit *familiarium larium* et *Penatium* multitudinis, quos Romae quaeque gens atque adeo omnes illae familiae, quae ex illa gente originem ducebant, tanquam proprios et privatos deos habuerunt, et divino profecutae sunt honore, in quibus colendis proprios sequebantur ritus.

E nomadica ergo vita derivanda sunt quoque *gentilitia sacra*, quibus *ius gentilitium* apud Romanos originem debet.

### §. 1.

#### *De Sacris gentilitiis apud Romanos.*

Omnis familia, quae ad idem stirpis caput referbat genus, eiusdem gentis erat; diversaeque familiae, quae ad communem stirpem sive patriarcham pertinebant, *gens* dicebantur (1), et uti a primo gentis auctore *nomen* deducebant (2), sic et eiusdem stirpis *sacra* et *iura* semper inter se communia habebant posterius, eaque diligentissime servare familiae studebant (3). Ad haec autem *gentilitia sacra* peragenda Romani se tam obstrictos arbitrabantur, lisque omni tempore tantam religionem ex-

(1) SEXT. POMP. FESTUS in voce *gens*. Cf. LIV. Hist. Rom. L. 9. c. 29. et HEIN. Ant. Rom. L. 3. T. 12. ULP. L. 195. ff. de V. S. §. 2.

(2) Cf. LIV. Hist. Rom. L. 1. c. 3.

(3) CIC. pro Dom. c. 13.

exhibebant, ut, quamvis publicorum sacrorum contraria essent, sicuti Bacchanalia, tamen publica auctoritate celebrari permitterentur, dummodo privata essent, et quisquam sine piaculo ea omitti non posse affirmasset, quoniam haec sacra, tamquam hereditatis pars, heredem sequebantur, quae negligere impium erat: erant enim publicis legibus confirmata, quoniam leges XII. Tabularum iuebant: *Sacra privata perpetua manento* (1). Nec immerito hinc Valerius Maximus (2) *filium* vocat, *quem pater ad generis penetraliumque sacrorum successionem propagandam genuit*.

Præerant autem his gentilitiis sacris, uti inter nomadicas gentes, patresfamilias, utpote stirpis sacerdotes, (3) et, si familiae magnae gentisque sacra multa essent, gens privatos habebat sacerdotes, haec sacra administrantes. (4) Semper autem curabat Pontifex Maximus, ne sacra privata polluerentur vel intermitterentur (5).

## §. 3.

*De iure Gentilitio.*

*Gentilitium* igitur *ius*, quod e prisca vita nomadica per omne reipublicae tempus tanta diligentia

Ro-

(1) Cic. de Legg. L. 2. c. 9. extr.

(2) L. 2. c. 7. §. 6.

(3) Liv. Hist. Rom. L. 5. c. 46.

(4) REINES. Infer. 5. 53.

(5) MACROB. Sat. L. 1. c. 16. Liv. Hist. Rom. L. 5. c. 52.

Romani servarunt, continebat ius succedendi in gentis bona, quo iure aliquid cuiquam concedebatur, quia erat eiusdem gentis; unde agnati ad alterius familiae bona vocabantur: iubent enim Leges XII Tabb., (1) *si intestato moritur, cui suus heres nec escit, agnatus proximus familiam habeto; si agnatus nec escit, gentilis familiam heres nancitor*. Quum itaque in aliqua familia is deficeret, qui defuncti heres esse posset, tum hereditas in eum eo ve transibat, qui quidem alias constituebant familias, sed ita tamen, ut ad eundem auctorem gentis, e qua defunctus oriretur, genus referrent: (2) Si autem agnati deficerent, tum gentiles, ut pote remotioris sanguinis, sed eiusdem gentis, vocabantur heredes. (3)

Porro ex eodem gentilitio iure impuberum tutela, si pater de ea non prospexisset, proximis impuberis agnatis, iisque deficientibus, gentilibus deferrebatur. (4) Praeterea verba, *si furiosus aut prodigus existat, aut ei custos non escit, agnatorum gentiliumque in eo pecuniarum eius potestas esto* (5), huc spectant. Hinc explicanda quoque est *substitutio*

vul-

(1) Tab. 5. Coll. Legg. Mosaic. et Roman. Tit. 16. §. 4.

(2) Ulp. L. 195. ff. §. 1. de V. §.

(3) Ulp. Fragm. Tit. 16. §. 2. Cie. Top. C. 6.

(4) Legg. XII. Tabb., Tab. 5. Coll. Legg. Mosaic. et Rom. l. 1.

(5) Leg. XII. Tabb. Tab. 5.



*vulgaris*, qua pater ex suo iure nomadico impuberibus heredem scribebat, si forte filius ante, quam testamentum facere ipsi licebat, moreretur, ne gentis suae sacra tum perirent, quae servari omni cura gens studebat, quaeque *substitutio* ideo a Plinio *sacrorum societas* dicitur (1). Ex eodem iure gentilitio sacrorum detestationes in Curiatis fiebant comitiis, id est, denuntiationes, ut heres sacra, quae hereditatem sequerentur, fusciperet.

Qui in aliam familiam transibat, suaeque familiae sacra amittebat, ad haec admittebatur; unde uxor, quae in mariti manum convenerat, sua sacra cum mariti permutabat. Ergo in Gordiani Imperatoris Rescripto uxor vocatur, *quae socii rei humanae atque divinae domus suspicitur* (2), et nuptiae in iure *divini atque humani iuris communicatio* dicuntur (3). Tandem *adoptivus* et *arrogatus*, suae familiae sacris relictis, in alterius gentis sacra transibat; quod ideo non temere nec inexplorato apud Romanos fiebat, sed lex de arrogando, arbitris pontificibus, Curiatis comitiis relinquebatur (4). Haec autem *iura gentilitia*, co-

rum.

(1) Paneg. C. 37. §. 2.

(2) L. 4. C. de crim. expil. her.

(3) MODESTINUS L. i. ff. de R. N.

(4) A. GELL. Noct. Att. L. 5. c. 19. Cic. pro Dom. ad Pont. c. 14.

rumque effectus, quamvis Iulii Caesaris tempore adhuc vigerent, (1) Ulpiani Icti tempore non amplius in usu fuisse abunde constat (2).

#### §. 4.

##### *De nominibus e vita pastoralis oriundis.*

Romanarum gentium ac familiarum nomina, quamvis e nomadica vita proxime videantur desumpta, non tamen per se Romanos nomades fuisse indicant, cum apud omnes populos multa nomina inveniantur, quae eodem modo ad nomadicam vitam referri possint; quia eorum significatio e pastoralis vita petita est. Si autem, uti supra demonstravimus, Romani ante U. C. re vera iam nomades fuerint, tum facilius in ipsis horum nominibus priscae eorum vitae vestigia deprehendere licebit, et ea nomadicae, quam antea egerunt, vitae originem debere statuere, praesertim cum multa inveniantur, quae mirum in modum huic vitae congruant: quemadmodum enim ipsum vocabulum *pecunia*, quae primum mercibus permutandis inservit, quae permutatio ante emtionem et venditionem apud Romanos in usu fuit, (3) a

(1) CIC. de Orat. L. 1. c. 38. SUET. IUL. CAES. vit. C. 1.

(2) ULP. Fragm. Tit. 26. §. 1.

(3) PAULUS L. 1. ff. de Contr. Emt.

*pecude*, id est, ab ovium, boum vel suum effigie, qua erat a Servio Tullio primum notata (1), originem et nomen deducit, et omne patrimonium olim apud priscos Romanos *peculium* vocatum est a pecoribus, quibus universa eorum bona constabant (2), cum diu in Urbe, non, ut antea, erraticam, sed pastorem sequerentur vitam (3); sic etiam quam plurima vetustissimarum atque adeo nomadicarum stirpium nomina, quibus se a reliquis pastoribus distinguerent, a vita pastoritia desumpta fuisse certo constat: nam, ut omittam, *Pisonum*, *Lentulorum*, *Fabiorum Ciceronumque* nomina ex agricultura, cui post pastorem vitam imprimis studuerunt, esse derivanda, ut quisque aliquod horum leguminum genus optime terebat (4), Plutarchus refert, (5) Romanos a bubus, ovibus et suis *Suilliorum*, *Bubulcorum*, *Caprariorum*, *Porciorumque* nomina suis filiis imposuisse. Quid porro de *Verre* dicam, de *Afinio*, *Lanato*, *Vaccio*, aliisque compluribus Romanorum nominibus et cognominibus, quae non obscure e pastoria vita suam originem produnt. Cum hoc

ita-

(1) PLIN. Hist. Nat. L. 18. c. 3. VARRO de Re Rust. L. 2. Colum. de R. R. L. 6. praef. VARRO de Ling. Lat. L. 4. PLUT. in Poplic., fere princ.

(2) PLUT. in Popl., Serv. ad. Virg. Ecl. 1. v. 33.

(3) Cf. supr. Introd. Cap. 3 §. 5.

(4) PLIN. Hist. Nat. L. 18. c. 2.

(5) In Popl. princ., et Quaest. Rom. 40.

itaque tam manifestum sit, ut de eo dubitari haud possit, recte M. Varro, (1) *Romanorum*, inquit, *populum a pastoribus esse ortum, quis non dicit? — Nomina multa habemus ab utroque pecore, a maiore et minore; a minore, Porcius, Ovinus, Caprius; sic a maiore, Equitius, Taurus, cognomina adsignificari, quod dicuntur, ut Annii CAPRÆ, Statilii TAURI, Voconii VITULI, sic a pecudibus alii multi. Si igitur ipsi Romani ea nomina e vita nomadica deduxerunt, quidni his duobus idem statuere nobis licebit?*

(1) De Re Rust. L. 2. c. 1.

## CAPUT SEPTIMUM.

### DE RITIBUS NUPTIARUM NOMADICIS.

#### §. 1.

*De ritibus nuptialibus, e vita pastoritia petitis.*

**I**n nulla re tot priscae nomadicae vitae vestigia per omne tempus reipublicae Romanae remansisse, quot in nuptiarum ritibus, non immerito observatu dignum videtur; mirum tamen hoc cuiquam esse haud potest, qui sciat, Romanos in privatis rebus nullam nomadicae libertatis circumscriptionem, nisi quae publicae noceret libertati, esse passos, eosdemque mores, quos ante U. C. a re pecuaria et pastorali vitae ratione habuissent, in seros posteros propagare potuisse. Quanquam autem nonnullae consuetudines in nuptiis celebrandis ex agricolarum vita potius, quam e pastorum, desumtae videntur, tamen in memoriam revocandum hoc loco est, quod supra diximus, nunquam fere nomadicum vitae genus eiusmodi fuisse, ut solum aut pastores aut agricolae essent gentes; sed alterum cum altero plerumque coniunctum ubique inveniri, atque adeo

Romanos, quamvis antea errabundos cum gregibus et armentis, nihilominus terram, ubi oberrarent, quodammodo coluisse, mox vero locum mutantes aliis eum colendum reliquisse, sicuti hoc etiam nunc inter multas nomadicas gentes, quae erraticam vitam sequuntur, locum habere abunde constat. (1)

### §. 2.

#### *De ritibus, ab ovillo pecore ortis.*

Ut itaque a ritibus, qui, ab ovibus desumpti, diutissime apud Romanos in usu fuerunt, nec dubia prioris nomadicae vitae signa indicant, incipiamus, solebat *nova nupta mulier in pelle lanata confidere*, vel propter vetustum morem, uti Plutarchus refert, quia antiquitus homines animalium pellibus induti (2), quo nomadicae vitae memoriam renovabant, oberrabant, vel quia nova nupta hoc modo testabatur, se lanificii officium novo marito praestitutam. Etenim, quemadmodum apud omnes vetustissimas

no-

(1) IUL. CAES. de Bell. Gall. L. 6. c. 22. F. A. CARUS, *Idem zur Geschichte der Menschh.* S. 271. u. f. w.

(2) PLUT. Quæst. Rom. 31. SEXT. POMP. Fest, de V. S. in voc. *pellem habere*.

nomadicas gentes (1) feminas in lanificio occupatas fuisse memoriae prodiderunt scriptores, et etiam nunc Arabum aliarumque erraticarum gentium mulieres *lanificae* commemorantur (2), sic quoque apud priscos Romanos lana ac tela inter honestissima uxorum opera referebantur, (3) unde iam in foedere, inter Romanos Sabinosque percusso, hanc legem fuisse constat, ut ab omni opere ac ministerio liberae essent raptae virgines, praeterquam a lanificio. (4) His ergo temporibus hicce feminarum labor vel tam *necessarius* videbatur, ut ab earum officiis separari haud posset, vel tam *honestus*, ut ab eo suas filias, Romanorum uxores factas, liberari ipsi parentes nollent, vel forsitane utrumque locum habebat.

*Sponsa* autem, in sponsi domum introducta, *vellus* non tantum *substernere* solebat, sed etiam *colum*, *fusum* ac *lanam* secum importabat, sponsique ianuam *lana* coronabat (5), quo respexit Lucanus (6), cum dicit;

*Infulaque in geminos discurrit candida postes.*

Quam-

(1) PROV. SALOMONIS c. 31. c. 13. 15. 19.

(2) D'ARVIEUX, Reis n. d. g. Emir bl. 274. NIEBURN, Reize 2 Deel bl. 390. SHAW, Reize 1 Deel bl. 337. 340.

(3) OV. Fast. L. 2. v. 742. IUVEN. Sat. L. 6. v. 289.

(4) PLUT. Quaest. Rom. 31.

(5) PLUT. l. l.

(6) PHARS. L. 2. v. 355.

Quanto autem in honore haec instrumenta fuerint, patet, cum, teste Plinio (1), *lana in colo et fuso Tanaquilis in templo Sangi duraverit, factaque ab ea toga regia, qua Servius Tullius fuerat usus.*

Ante vero quam domum intrabant novae nuptae, mulieres postes *lana et adipe lupino* (2) *inungere* religiosissimum ducebant, ne quid mali medicamenti inferretur. (3) Plinii autem tempore *lupinus* adeps non amplius erat in usu, sed *fuillo* uti solenne erat: (4) porca enim a Veteribus novis nuptis mulie-

ri-

(1) Hist. Nat. L. 8. c. 74. Non tamen verisimile est, quod Plinius addidit, *inde factum esse, ut nubentes virgines comitaretur solus comita et fusus cum flamine.* Nam quum lanificium iam ante U. C. inter nomadicas Italiae gentes sine dubio in usu fuerit, et a primis certe reipublicae temporibus inter honestiora seminarum munia referatur, verisimilius videtur, eas quoque e paterna domo instrumenta, quae a teneris ad lanam usurpassent, secum in sponsi domum transulisse.

(2) Cur ad haec solennia *adipe lupino* usae fuerint, non difficile est explicatu apud gentes, quae rem pecuariam tractabant. V. supra p. 12.

(3) PLIN. Hist. Nat. L. 28. c. 37. Unde ipsae uxores, *quasi unxores*, nomen habent, quibus inunctionibus *Unxia dea* praesuit, quo nomine IUNO fuit insignita. ARN. 3 et 7. MART. CAP. 2 cf. DONAT. ad Terent. Hec A. 1. S. 2. ibique Ennius laudatus.

(4) PLIN. Hist. Nat. 1.1.



ribus immolabatur, quia nullum est animal adeo libidini deditum (1).

### §. 3.

*De ritibus, a BUBULO pecore derivandis.*

A bubus, qui inter Romanos nomades magni pretii fuerunt, ritus quoque invaluit mansitque diutissime, ut ante mariti aedes, boni ominis causa, nubentes virgines interrogatae, quatenus essent, responderent, *ubi tu Caius, ego Caia*, (2) quae formula sine dubio e vita nomadica originem ducere videtur; *Caius* enim, sive *Gaius*, uti Antiqui scribebant, a Graeco vocabulo γαῖος, bos operarius exponitur (3). Sive ergo vocem *Gaius* ad prolem, sive ad opera rustica referas, hoc certum est, sive e prisca vita petitam et a bubus ad homines translatam

(1) EUSTAT. ad Hom. Iliad. τ. in voc. καὶ γὰρ χοῖ-  
ται. Unde et mulieres, maxime nutrices, naturam,  
qua feminae sunt, in virgine appellabant *porcam*, et  
Graeci χοῖται, significantes, illam esse dignam insigni  
nuptiarum, teste VARRONE de Re Rust. L. 2. c. 4.

(2) Quam incerti ipsi Romani fuerint, quid haec  
verba significarent, patet ex PLUTARCHI Quaest. Rom.  
30., et VAL. MAX. L. 10. Epic.

(3) ἰ γγάρτε βούε, Hesych. in voc. γαῖος, et Auct.  
Etym. Magn. EUSTAT. ad Hom. II. β. p. 188., ab antiquo  
γάν, idem, quod τίνα, pario.

tam esse (1) atque adeo, quum sponsa diceret, *ubi tu Caius, ego Caia*, nihil aliud significasse videtur, quam *ubi tu iugis, ibi ego et iugis ero*, id est, me fore tibi iugi sociae, ubi tu fueris coniux, sive matrimonii iugum mecum portaveris, promitto; qui enim olim matrimonio iungebantur, iugum illis (2), quo duo boves constructi opus faciunt, fuit impositum, ut hoc signo admonerentur, matrimonio coniunctos ad sociandos omnes vitae labores esse obligatos, (3) atque inde quoque maritus et uxor propter iugum (4), vel a bubus iugibus (5) *conjuges* appellabantur, et *vincula iugalia* aequè de bu-

(1) Hinc quoque est, quod ait Columella, L. 6. Praef.: *Bovis apud Antiquos tanta fuit veneratio, ut tam capitale esset bovem necasse quam civem*. Nosmet ipsi ab his iumentis adeoque ex vita rustica deducta nomina insigniorum coniugum habemus, *Gemaal*, *Gemalin*; venit autem a *mael*, *male*, Latinis *iunx*, quae vox adhuc in patria nostra, maxime in Gelria, in usu est: *Malen* enim, sive *Melen*, *Mellen*, fuit Sicambria *coniugium inire*, unde etiam nunc Theodiscis est *vermaeln*; sic et *maelschat*, sive *melschat*, olim apud nostrates dotem significavit, KIL. Lex. in voc.

(2) Unde Iunonem *Iugam* dixerunt. SEXT. POMP. FEST. in voc.

(3) Cf. TACIT. de Morib. Germ. c. 12.

(4) ISIOD. ORIG. L. 1. c. 1. cf. SERV. ad VIRG. Aen. L. 4. c. 16.

(5) SEXT. POMP. FEST. in voc. *iuges*.

bubus ac hominibus usurparunt Romani, uti feminam *iuvencam*, (1) virum *taurum* dixerunt. Quo respiciens Horatius de Lalage amica cecinit (2):

Nondum subacta ferre *iugum* valet  
Cervice, nondum munia comparis  
Aequare, nec *tauri* ruentis  
In venerem tolerare pondus.

(1) Ov. Heroid. 5. v. 117.

(2) L. 2. Od. 5. cf. PETRON. c. 25. ibique BUR-  
MANN.

TANTUM.

1870  
The first of the year  
was a very dry one  
and the crops were  
very poor. The  
winter was also very  
dry and the crops  
were very poor.  
The spring was very  
dry and the crops  
were very poor.  
The summer was very  
dry and the crops  
were very poor.  
The autumn was very  
dry and the crops  
were very poor.

1871  
The first of the year  
was a very dry one  
and the crops were  
very poor. The  
winter was also very  
dry and the crops  
were very poor.  
The spring was very  
dry and the crops  
were very poor.  
The summer was very  
dry and the crops  
were very poor.  
The autumn was very  
dry and the crops  
were very poor.

1872  
The first of the year  
was a very dry one  
and the crops were  
very poor. The  
winter was also very  
dry and the crops  
were very poor.  
The spring was very  
dry and the crops  
were very poor.  
The summer was very  
dry and the crops  
were very poor.  
The autumn was very  
dry and the crops  
were very poor.

1873  
The first of the year  
was a very dry one  
and the crops were  
very poor. The  
winter was also very  
dry and the crops  
were very poor.  
The spring was very  
dry and the crops  
were very poor.  
The summer was very  
dry and the crops  
were very poor.  
The autumn was very  
dry and the crops  
were very poor.

1874  
The first of the year  
was a very dry one  
and the crops were  
very poor. The  
winter was also very  
dry and the crops  
were very poor.  
The spring was very  
dry and the crops  
were very poor.  
The summer was very  
dry and the crops  
were very poor.  
The autumn was very  
dry and the crops  
were very poor.







1

2

3

4

5

6

7

8

9

10

11

12

13

14





